



文苑英華卷第一百九十一

詩四十一

朝省二



寓直五十八首

奉和姚給事中寓直之作

宋之問

清論滿朝陽高才拜夕郎還從避馬路來接珥貂行寵就
黃扉日威迴白簡霜栢臺遷鳥茂一作蘭渚得人芳氏非

禁靜鍾初徹更踈漏漸長曉河低武庫流火度文昌寓直
光輝重集作寓宿乘秋藻翰揚暗投空欲報下調不成章恩徽重

和庫部李員外秋夜寓直之作 前人

相庭貽慶遠才子拜郎初起草儀仙閣焚香卧直廬更深
河欲斷節勁柳疑偏踈氣耿凌雲筆心搖待漏車叨榮厠

儔侶省已憇空虛徒斐陽春和難參麗曲餘

冬夜寓直麟閣集作臺

前人

直事披三省重關祕七門廣庭憐雪淨集作靜深屋集作喜

爐溫月幌花一作雲虛馥風窓竹暗喧東山白雲意茲夕寄

琴樽

和蘇員外寓直

崔湜前卷作喬知之

此詩已見一百九十卷

秋夜寓直中書呈黃門舅

蘇頲

簾櫳上夜鈎清切聽更籌忽共鷄枝老還如騎省秋循庭
喜三入對渚憶雙遊紫紱名初拜黃縑迹尚留月舒當北
幌雲賦直東樓恩渥迷天施童蒙慰我求遲君台鼎即聞

義一承流

春晚紫微省直贈內

前人

直省清華接建章向來無事日猶長花間燕子栖鳩鵲竹
下鴛鴦繞鳳凰內史通宵承紫誥中人落晚集作日愛紅粧
別離不慣無窮憶莫悞卿卿學太常

和崔黃門寓直夜聽蟬之作

張九齡

蟬嘶玉樹枝向夕蕙風吹幸入連雲閣集作宵聽應緣飲露知

秋深聞集作深欲近聲靜夜相宜不是黃金飾清音徒爾

為

和許給事直夜簡諸公

前人

未央鍾漏晚僊宇藹沉沉武衛千廬合嚴扃萬戶深左掖

知天近南軒集作見月臨樹搖金掌露庭接玉樓陰他日
聞更直中宵屬所欽聲華大國瑤夙夜近臣心逸興乘高
閣雄飛在禁林寧思竊抃者情發為知音

酬通事王舍人寓直見示篇中兼起居陸舍人

景獻

前人見集本

軒掖殊清秘才華固在斯興因膏澤灑情與惠風吹所美
應人譽何私亦我儀同聲感喬木比翼謝長離價以陸生
減賢慙鮑叔知薄遊當獨媿芳訊乃兼施此夜金閨籍伊
人瓊樹枝飛鳴復何遠相顧幸媿媿

臺中書懷

蔣冽

持憲當休明飾躬免顛沛直繩備豪右正色清冠蓋寄切

才恨薄織雄班匪大坐居二獨中立在百僚外簡牘時休
暇依然秋興多披書唯骨鯁循跡少閑和庭樹凌霜栢池
傾萎露荷歲寒應可見感此遂成歌

夏中

疑

初霽南省寓直

時兼尚書郎
節度判官

薄宦因時忝涼霄寓直初沉沉仙閣閉的的暗更徐霽色
連空上炎氛入夜除星廻南斗落月度北窓虛待漏殘燈
照含芳襲氣餘寐來冠不解奏罷草仍書幕府慙良策明
曹媿散樗命輕徒有報義重更難踈鸞屐欣成托鶴行濫
所如晨趨當及早復此戒朝車

同張少府知庫狄員外夏晚初霽南省寓直時兼

充節度判官之作

寇坦

黃綬歸休日仙郎復奏餘宴居當夏晚寓直會晴初露散
星文發雲披水鏡虛高才推獨唱嘉會喜連茹月色搖春
闈香煙藹暝廬一作千門傳夜警萬象照階除少孺嘉能
賦文強閱賜書兼曹謀未展入幕志方攄為奉靈臺帛恭
先待漏車貞標不可仰空此樂樵漁

和集作

崔員外秋宵寓直

王維

建禮高秋夜承明候曉過九門寒漏徹萬井曙鍾多月廻
藏珠斗雲開集作出絳河更慙衰朽質南陌共鳴珂

晚出左掖

杜甫

晝刻傳呼淺春旗簇仗齊退朝花底散歸院柳邊迷樓雪
融城濕宮雲去殿低避人焚諫草騎馬欲鷄栖

春夜宿左省

前人

花隱掖垣暮啾啾棲鳥過星臨萬戶動月傍九霄多不寐
集作聽金鑰集作因風想玉珂明朝有封事數問夜如何

翰林讀書言懷呈集賢院內諸學士 李白

晨趨紫禁中夕待金門詔觀書散遺帙探古窮至妙片言
苟會心掩卷而忽集作忽而笑青蠅易相點白雪難同調本是
踈散人屢貽褊促誚雲天屬清朗林壑憶遊眺或時清風
來閑倚門集作下肅嚴光桐廬溪謝客臨海嶠功成謝人
間集作從此亦集作投釣

和戶部楊員外伯成寓直

李愷

落日彌綸地公才盡省即詞驚起草筆坐卧護衣香雙闕

文苑英華 卷一百九十一
天河近千門夕漏長遙知臺上宿不獨有文強

奉和許給事夜直簡諸公

崔顥

西掖黃樞近東曹紫禁連地因才子拜人用省郎遷夜直
千門靜河開萬像懸建章宵漏急闔闔曉鍾傳寵列貂蟬
位恩深侍從年九重初起草五夜即成編顧已無官次循
涯但自憐遠陪蘭渚作空此仰神仙

西省即事

岑參

西掖重雲開邑曙集作開曙輝北山疎雨點朝衣千門柳色連
青鎖三殿花香入紫微平明端笏陪駕列薄暮垂鞭信馬
歸官拙自悲頭白盡不如巖下掩集作石偃荆扉
和都官苗員外夜寓直對兩簡諸知己 李嘉祐

多雨深一作南宮夜仙郎上一作寓直時漏長丹鳳闕秋冷白

雲司螢影侵階亂鴻聲出苑遲蕭條吏人散一作靜小謝有

新詩

此詩三百四十三卷重出今已削去注異同為一作

和苗員外寓直中書

包何

朝列稱多士君家有二難貞為臺裏栢芳作省中蘭夜直
分曹間晨趨接武歡每憐雙闕下鴈序入鴛鸞

春宵寓直

錢起

養拙集作性慣雲卧為即如鳥棲不知仙閣峻唯覺玉繩低
帳喜香煙煖詩慙賜筆題未央春漏促殘夢訝集作謝晨鷄

和謝舍人雪夜寓直

皇甫曾

禁省夜沉沉春風雪滿林滄洲歸客夢青瑣近臣心揮翰
宣鳴玉承恩在賜金建章寒漏起更助掖垣深集作章臺
寒鴈起更

晚秋集賢院即事寄徐薛二侍郎 常袞

穆穆上清居沉沉中秘書金鋪深內殿石甃淨寒渠花樹
臺斜倚空煙閣半虛縹囊披錦翠繡軸卷瓊瑤墨潤冰文
璽香銷嘉字魚翻黃桐葉老吐白桂花初舊德雙遊處聯
芳十載餘北朝榮庾薛西漢盛嚴徐侍講親華辰微吟一作
詩步綺疎綴簾金翡翠賜硯玉蟾蜍序秩東南遠離憂歲
月餘承明期重入江海意何如

奉和常舍人晚秋集賢院即事寄徐薛二侍郎

司空曙

藹藹鳳凰宮蘭臺玉曙通夜霜凝樹羽朝集作
曉日照相風

官附三台貴儒開百氏宗司言陳禹命集作
拜侍講發堯聰

香卷集作
起青編內鉛分綠字中綴籤從大史鏘珮揖群公

池接天泉碧林交御果紅寒龜登故葉集作
敗葉秋蝶恋疎蕞

顏謝徵文並鍾裴直一作
議事同離群驚海鶴屬思怨集作
想

江楓地遠枯蘇外山長越絕東慙當哲匠後下曲本難工

和常舍人晚秋集賢院即事十二韻寄贈江南

徐薛二侍郎 盧綸

綸閣九華前森沉綵仗連洞門開旭日清禁肅秋天霜滿
朝容備鍾餘曉集作
漏唱傳瑤璫陪羽扇端弁入爐烟麟筆

刪金篆龍綃薦玉編汲書荀勗定漢史蔡邕專御竹潜通
荀宮池暗瀉泉亂藜縈弱蕙墜葉灑枯蓮列署齊遊日重
江並謫年登封思議草侍講憶同筵滄海風濤廣黝山瘴
雨偏唯應緘上寶贈遠一呈妍

奉和太常王卿訓李舍人中書寓直春夜對月見寄

露如輕雨月如霜不見星河見鴈行虛暈入池波自泛蒲
輪當苑桂偏香春臺幾望黃龍闕雲露寧分白玉廊是夜
巴歌應金石豈殊螢影對清光

和王員外冬夜寓直

前人

高步長裾錦帳即居然自是漢賢良潘岳叙年因

托諫在文章九天韶樂飄寒月萬戶香塵裊夜霜坐見
重門儼朝騎可憐雲路好翱翔

訓金部王郎中省中春日

前人

南宮樹色曉森森雖有春光未有陰鶴侶正宜芳景引玉
人那為薄書沉山含瑞氣偏當日鷺逐輕風不在林更有
阮郎迷路處萬株紅樹一谿深

夜直省中

常應物

見集本

河漢有秋氣集作意南宮生早涼玉漏殊杳杳雲闕更蒼蒼
華燈發新照集作輕烟浮夕香顧跡知為忝東帶愧周行

奉和給事寓直

崔峒

桂枝家共折鷄樹代相傳忝向鸞臺下仍看鴈影連夜閑

方步月漏盡欲朝天知去丹墀近明王許薦賢

初入集賢院贈李獻仁曾於常山聯官前人

燕代官初罷江湖路便分九遷從命薄四十幸人聞跡愧
趨丹禁身曾繫白雲何由返滄海昨日謁明君

奉酬李舍人秋日寓直見寄 張南史

秋日金華直遙知玉佩清九重門更肅五色詔初成槐落
宮中影鴻高芳遠一作聲翻從魏闕下江海寄幽情

同韓侍郎秋朝使院 前人

重門啓曙闕一葉報秋還露井桐柯濕風庭鶴翅閑忘情
簪白筆假夢入深山惆悵祇應此難裁語默間

暮春南臺承再除給事中仍是本廳几榻薛存誠

再入青瑣闈忝官誠自非拂塵驚物在開戶待僧歸積重

漸無逕殘花猶灑衣禁闈偏日近行坐在恩輝

初秋月夜中書宿直因呈楊閣老 權德輿

欹枕直廬暇風蟬迎早秋沉沉玉堂夕皎皎金波流對掌

喜新命分曹諧舊遊相思翫華彩因感庾公樓

晚秋陪崔閣老張祕監閣老苗考功同遊昊天觀

時楊閣老新直未滿以詩見寄斐然酬和有媿蕪

音 前人

方駕遊何許仙源去似歸縈迴留勝賞蕭灑出塵機泛菊

賢人至燒丹姹女飛步虛清曉籟隱几吸晨輝竹逕琅玕

合芝田沆瀣晞銀鈎三洞字瑤笥六銖衣麗句翻紅藥佳

期限紫微徒然一相望郢曲和應稀

和胡將軍寓直

王建

宮鷓棲盡禁搶攢樓殿深嚴月色寒進狀直穿金戟槊探
更先傍玉鈎欄漏傳五點班初合鼓動三聲仗已端遙見
正南宣不坐新栽松樹喚人看

省中直夜對雪寄李師素侍郎 令狐楚

密雪紛初降重城杳未開雜花飛爛熳連蝶舞徘徊灑散
千株葉銷凝九陌埃素華凝粉署清氣繞霜臺明覺侵窓
積寒知度塞來謝家爭擬絮越嶺悞驚梅暗魄微茫照嚴
飈次第催一作堆稍封黃竹亞先集紫蘭摧孫室臨書幌梁
園泛酒盃靜懷瓊樹倚醉憶玉山頽翠陌饑鳥噪蒼雲遠

鴈哀此時方夜直想望意悠哉

南宮夜直宿見李給事題其日所下制勅知奏直

在東省因以詩寄

前人

番直同遙夜嚴局限幾重青編書白雀

其日勅鄜州奏
白雀宜付史館黃

紙降蒼龍北極絲綸句東垣翰墨蹤尚垂玄露點猶濕紫
泥封炫眼疑仙燭馳心裊禁鍾定應形夢寐暫似接音容
玉樹春枝動金罇臘釀醲在朝君最舊休澣許過從

早秋集賢院即事

時為
學士

劉禹錫

金數已三伏火星正西流樹含清露曉閣倚碧天秋灰瑨
應新律銅壺添夜籌商飈從朔塞爽氣入神州蕙草香書
殿槐花點御樓集作
溝山明真色見水淨濁煙收早歲忝華

省丹來成白頭幸依群玉府有路向瀛洲

奉和武中丞秋日臺中寄懷簡諸僚故時西番使廻奉命追和

呂溫

聖朝思紀律憲府得忠賢指顧風行地儀行月麗天不仁
恒自遠為政復何先虛室惟生白閑門集作情却草玄迎霜
紅葉早過雨綠集作碧苔鮮魚樂翻秋水鳥聲隔暮煙舊遊
多絕席感物遂成篇更許窮荒客追歌白雪前

待漏入閣書事奉贈元九學士閣老 白居易

衙排宣政仗門啓紫宸關彩筆停書几命作花塲趨立班
稀星點銀礫殘月墮金環集作環暗漏猶傳水明河漸下山
從東分地色政集作向北仰天顏碧湧鑪煙直紅垂旆尾關

綉幃集作關慙並入翰苑忝先攀笑我青袍故饒君紫集作苗

綬啟詩仙歸洞裡酒病滯人間好去鴛鴦侶冲天便不還

夏夜直宿 前人見集本

人少庭宇曠夜涼風露清槐花滿院氣松子落階聲寂默
挑燈坐沉吟暝月行年衰自無趣不是厭承明

中書直堂集作寓直 前人

繚繞官牆圍禁苑集作林半開閶闔曉沉沉天晴更覺南山
近月出方知西掖深病對詞頭慙綵筆老看鏡面愧華簪
自嫌野物將何用土木形骸麋鹿心

見于給事暇日上直寄南省諸郎官詩因以戲贈
倚作天仙弄地仙誇張一日抵千年黃麻勅勝長生錄白

紵詞嫵內景篇雪貌莫一作雲彩誤居青瑣地風流合在
紫微天東曹漸去西垣近鶴駕無妨更着鞭

此詩二百五十八卷重出今已削去注異同為一作

西掖早秋直夜書意

前人

涼風起禁掖新月生宮沼夜半秋暗來萬年枝嫋嫋炎涼
逝時節鍾鼓交昏曉偶聖惜年衰報恩愁力少素餐無補
益朱紱集作虛纏繞冠蓋栖野雲稻梁養山鳥量能集作
私自省所得已非少五品不為賤五十不為夭若無知足
心貪求何日了

憶夜直金鑾奉詔

李紳

月當銀漢玉繩低深聽簫韶碧落齊門壓紫垣高綺樹

連青瑣近丹梯墨宣外溼催飛詔草定新恩促換題明日

一作惟我獨歸花路遠可憐人世隔雲霓

奉和朝翰林丁侍郎禁署早春晴望 劉得仁

御林聞有早鶯聲玉檻春香九陌晴寒着霽雲歸紫閣暖
浮佳氣動皇城宮池日到冰初解輦路風吹草欲生鴛侶
此時皆賦詠商山雪在思尤清

休澣日謁西掖所知因成長句 溫廷筠見集本

赤墀高閣自從容玉女窻扉報曙鍾日麗九華青瑣闥雨
晴雙闕翠微峯毫端蕙露滋仙草琴上薰風入禁松荀令
鳳池春婉婉好將餘潤變魚龍

冬夕和范秘書省宿 李頻

每入得閑吟清曹閣下深因知遙夜坐別有遠山心芸細
書中氣松疎雪上陰幾時高興足還復插朝簪

和范秘書省中作

喻坦之

清省宜寒夜仙才稱獨吟鍾來宮轉漏月過閣移陰鶴壁
燈前靜共臺幄外深想知因此興暫動憶山心

南宮寓直

鄭谷

寓直事非輕官孤憂且榮制承黃紙重詞見紫垣清曉霽

庭松色風和禁漏聲

僧一作

携新茗伴更

集作吏對僧字

掃落花

迎鑠印詩心動垂簾睡思生粉廊曾試處

直事稍暇則於都堂四廊下尋

項年試折題名記至今多在

石柱昔賢名來誤宮牕驚啼疑苑樹鶯殘

陽晴集作

更好歸速限嚴城

春日

集作夕

伴同年禮部趙員外省直

集作直省

前人

錦帳名郎重錦窠清宵寓直縱吟哦冰含玉鏡春寒在粉
傅仙闌月色多視草即應歸屬望握蘭知道暫經過流鶯
百轉和殘漏猶把芳罇籍露荷

文昌寓直

前人

何遜空階夜雨平朝來交直雨新晴落花亂上花磚上不
忍和苔踏紫英

忝官諫垣明日轉對

前人

見集本

吾君英睿相君賢其柰寰區未晏然明日翠華春殿下不
知何語可聞天

秘書伴直

張喬

高枝聚暝禽，疊閣鏤遙岑。待月當秋直，看書廢夜吟。殘薪留火細，古井汲瓶深。縱欲抄前史，一作古貧難遂此心。

省中偶作

前人

三轉郎曹自集作出，兔旃莎堵吟步想前賢。不集作如何遜

無佳句若比馮唐，是壯年捧制名題黃紙尾。約僧心在白

雲邊，乳毛松雪春來好。直夜清閑且學禪。

文苑英華卷第一百九十一

文苑英華卷第一百九十二

詩四十二

樂府一樂府共六十卷以藝文聚初學記文粹諸人文集并郭茂倩劉次莊樂府叅校注下同者為一作

京洛篇二首

帝王所居篇一首

帝京篇十一首

煌煌京洛篇二首

新城安樂宮三首

凌雲臺二首

長安道十六首

洛陽十七首

京洛篇

梁簡文帝

南遊偃師縣，斜上灞凌東。迴瞻龍首堞，遙望德陽宮。重門

遠照曜，天閣復穹隆。城旁疑複道，樹裏識松風。黃河入洛

水，丹泉繞謝熊。夜輪懸素魄，朝一作光蕩碧空秋。霜曉驅

鴈，春雨暮成虹。咸一作曲陽曲陽侯漢外造甲第，高安還禁

中劉蒼歸作相竇憲出臨戎此時車馬合茲晨冠蓋通誰
知兩京盛歡宴遂無窮

同前

李巨仁

京洛類神仙藹藹却雲烟漸臺臨太液玉樹並甘泉車喧
平樂外騎擁濯龍前兢結蕭朱綬爭攀李郭船獨悲韓長
孺死灰猶未燃

帝王所居篇

張正見

峻函雉帝宅宛維壯皇居紫微臨複道丹水亘通渠沉沉
飛兩殿藹藹承明廬兩宮分槩日雙闕並凌虛休氣充青
瑣榮光入綺疎霞明仁壽鏡日照凌雲書鳴鸞背鳩鵲詔
澤幸儲胥長楊飛玉輦御宿陟金輿柳葉緹飄騎槐花影

屬車薄暮歸平樂歌鍾滿玉除

帝京篇

並作十本

唐太宗

秦川雄帝宅函谷壯皇居綺殿千尋起離宮百雉餘連甍
遙接漢飛觀迥凌虛日月隱層闕風煙出綺疏

二

巖廊罷機務崇文聊駐輦玉匣啓龍圖金繩披鳥

一作鳳篆

常編斷方續縹帙舒還卷對此乃忘憂

一作淹留

欹枕觀墳典

三

移步出詞林停輿欣武宴琇弓寫明月駿馬疑流電驚鴈
落虛弦帝袂悲急箭閱賞誠多美於茲乃忘倦

四

鳴笳臨樂館眺聽歡芳節急管韻朱絃清歌凝白雪彩鳳
肅來儀玄鶴紛成列去茲鄭衛聲雅音方可悅

五

芳辰開一作逸趣禁苑信多奇槁形通漢上峯勢接雲危
煙霞交隱映花鳥自參差何如肆轍跡萬里賞瑤池

六

飛蓋去芳園蘭橈遊翠渚梁一作萍間日影亂荷處香風舉
桂檝滿中川絃歌振長嶼豈獨汾河曲方為歡宴所

七

落日一作日落雙闕昏迴輿九重暮長烟引一作散初碧皎月澄
輕素褰幌翫琴書開軒引雲霧斜漢耿層閣清風搖玉樹

八

歡樂難再逢芳晨真一作良可惜玉酒泛一作溢雲壘蘭肴陳
綺席千鍾合堯禹百獸諧金石得志重寸陰忘懷輕尺璧

九

建章歡賞夕二八盡妖妍羅綺昭陽殿芬芳瑋瑁筵珮移
星正動扇掩月初圓無勞上玄圃即此對神仙

十

以茲遊觀極悠然獨長想披卷覽前蹤撫躬尋既往望古
茅茨約瞻今蘭殿廣人道惡高危虛心誠盈蕩奉天竭誠
敬臨民思惠養納善察忠諫明科慎刑賞五六誠難繼四
三非易仰廣待淳化敷方嗣雲亭響

同前

駱賓王

山河千里國城闕九重門不睹皇居壯安知天子尊皇居
 帝里峻函谷鶉野龍山侯甸服五緯連影集星躔八水分
 流橫地軸秦塞重關一百二漢家離宮三十六桂殿陰岑
 對玉樓椒房窈窕連金屋三條九陌鳳一作麗城隈萬戶千
 門平旦開複道斜通鳩鵲觀交衢直指鳳凰臺劍履南宮
 入簪纓北闕來聲明冠寰宇文物象昭回鈞陳肅蘭彫璧
 沼浮槐市銅羽應風迴金莖承露起校文天祿閣習戟昆
 明水朱邱接一作抗平臺黃扉通戚里平臺戚里帶崇墉炊
 灼一作金鑊玉符鳴鍾小堂綺帳三千萬大道青樓十二重
 寶蓋雕鞍金絡馬蘭窓繡柱玉盤龍繡一作綺柱璇題粉

壁鏘金鳴玉王侯盛王侯貴人多近臣朝遊北里暮南隣
 陸賈分金將燕喜陳遵投轄正留賓趙李經過密蕭朱交
 結親丹鳳朱城白日暮青牛紺幘紅塵度俠客珠彈垂楊
 道倡婦銀鈎採桑路倡家桃李自芬一作芳菲京華遊俠事
一作輕肥延年女弟雙鳳入羅敷使君千騎歸同心結縷
 帶連理織成衣春朝桂樽樽百味秋夜蘭燈燈九微翠幌
 珠簾不獨映清歌寶瑟自相依且論三萬六千是寧知四
 十九年非古來名一作榮利若浮雲人生倚仗信離一作難分
 始見田竇相移代我聞衛霍有功勳未厭金陵氣先開石
 擲文朱門無復張公子灞亭誰畏李將軍相顧百齡皆有
 待居然萬物咸應改桂枝芳氣已銷亡栢梁高宴今何在

大邑五... 卷... 余

春去春來若自馳爭名爭利徒爾為久留郎署終難遇空
掃相門誰見知當時一作莫矜一旦擅豪華自古千載長驕奢
倏忽搏風生羽翼須臾失浪委泥沙黃雀徒巢桂青門遂
種瓜黃金銷鑠素絲變一貴一賤交情見紅顏宿昔白頭
新脫粟布衣輕故人故人有湮淪新知無意氣灰死韓安
國羅傷翟廷尉已矣哉歸去來馬卿辭蜀多文藻楊雄仕
漢之良媒三冬自矜成足用十年不調幾遭迴汲黯新逾
積孫弘閣未開誰惜長沙傳一作賦獨負洛陽才

煌煌京洛行

張正見

千門儼西漢萬戶擅東京凌雲霞上起鵙鵲月中生風塵
暮不息簫管夜恒鳴唯一作誰當賣藥樹不入長安城

同前

戴嵩

欲知佳麗地為君陳帝京由來稱俠窟爭利復爭名鑄銅
門外馬刻石水中鯨黑龍過飲渭丹鳳俯臨城群公邀一作
惡郭解天子問黃瓊詔幸平陽第騎指伏波管五侯同拜
爵七貴各垂纓衣風飄颻起車塵暗浪生舞見淮南法歌
聞齊后聲揮金留客坐饌玉待鍾鳴獨有文園客一作令偏
嗟武騎輕

新城安樂宮

梁簡文帝

遙看雲霧裏一作刻一作列中一作桶映丹虹珠簾通曉日金華拂
夜風欲知歌管處來過安樂宮

同前

陰鏗

新宮實壯哉雲裏望樓臺迢迢翔鷗仰聯一作連翮賀鷺一作

雀來重簷寒露一作霧宿返景一作返井夏蓮開砌石披新

錦花梁盡早梅欲知安樂盛歌管雜塵埃

同前 陳子良

春色照蘭宮秦女旦窓中柳葉來眉上桃花落臉紅拂塵

開扇匣卷帳却薰籠衫薄偏憎日裙輕更畏風

凌雲臺 謝舉

綺薨懸桂棟隱映傍一作月旁槁柯勢高凌玉井臨迴度

金波易覺涼風至早飛秋葉一作馬過高臺相思曲望遠騷

人歌幸矚一作屬此迢遞知承寒露多一作雲霧多

同前 王褒

高臺懸百尺中又殊未窮北臨酸棗寺西眺明光宮城旁

抵雙府林裏對相風書題鹿盧榜觀寫飛廉銅窓開神女

電梁映美人虹虞捐濫失寵鄭督特懷忠莊生垂翠鈞昭

儀拒一作抵闞熊馳輪有盈闕人道亦汗隆還念西陵舞非

復鄴城中

長安道 梁簡文帝

神臯開隴右陸海實西秦推輪抵赤縣一作金槌複道向

宜春落花依度幘垂柳拂行人金張與一作及許史夜夜尚

留賓

同前 梁元帝

西接長楸道南望小平津飛薨臨綺翼輕軒影畫輪雕鞍

承赭汗槐路起紅塵燕姬雜趙女淹留重上春

同前

庾肩吾

桂宮延複道黃山開廣路遠聽平陵鍾遙識新豐樹合殿
生光彩離宮起煙霧日落歌吹還塵飛車馬度

同前

蕭賁

前登灞陵岸還瞻渭水流城形類北斗橋勢似牽牛飛軒
駕良駟寶劍雜輕裘經過狹斜里一作與淹
流裏一作直

同前

徐陵

輦道乘雙闕豪雄被五都橫橋象天漢法駕應坤圖韓康
賣良藥董偃鬻明珠喧喧擁車騎非但執金吾

同前

陳暕

長安開繡陌三條向綺門張敞車單馬韓嫣乘副軒寵深
來借殿功多競買園將軍夜夜返絃歌着曙喧

同前

顧野王

鳳樓臨廣路仙掌入煙霞章臺京兆馬逸陌富平車東門
疏廣餞北闕董賢家渭橋縱觀罷安能訪狹斜

同前

阮卓

長安馳道上鍾鼓一作鳴宮寺開殘雲銷鳳闕宿霧歛章臺
騎轉金吾度車鳴丞相來藹藹東都晚群公駟御迴

同前

江惣

翠蓋乘輕霧一作露金羈照落暉五侯新拜罷七貴早朝歸

轟轟紫陌上，藹藹紅塵飛。日暮延年一作平，客風花拂舞衣。

同前

沈佺期

秦地平如掌，層城入一作出。雲漢樓閣九衢春，車馬千門旦。

綠槐開復合，紅塵聚還散。日晚鬪鷄還一作迴，經過狹斜看。

同前

崔顥

長安甲第高入雲，誰家居住霍將軍。日晚朝迴擁賓從，路旁拜揖何紛紛。莫言炙手手可熱，須臾火盡灰亦滅。莫言貧賤即可欺，人生富貴自有時。一朝天子賜顏色，世上悠悠應始知。

同前

皇甫冉

長安九城路，戚里五豪家。結束趨平樂，聯翩抵狹斜。高樓臨積水，複道出繁花。唯有相如宅，蓬門度歲華。

同前

常應物

漢家宮殿含雲烟，兩宮十里相連一作聯。延晨霞出沒弄丹。

闕春雨霏微似甘泉一作春雨微自甘泉。甘泉一作春雨依微春尚早。

長安貴遊愛芳草，寶馬橫來下建章。香車却轉避馳道，貴遊誰最貴。衛霍世難比，何能蒙主恩。幸遇邊塵起，歸來甲第拱皇居。朱門戢戢臨九衢，中有流蘇合歡之寶帳。一百

二十鳳凰羅列街，明珠下有金一作錦。鋪翠被之燦爛，博山

吐香五雲散。麗人綺閣情飄飄，頭上鴛釵雙翠翹。低鬟曳

袖迴春雪聚黛，一聲愁碧霄。山珍海錯棄藩籬，烹犢炮羔如折葵。既請列侯封部曲，還將金印授廬兒。歡榮若此何

所苦所一作苦白日西南馳

此詩三百四十二卷重出今已削去注異同為一作

同前

白居易

花枝缺處青樓開艷歌一曲酒一盃美人勸我急行樂自古朱顏不再來君不見外州客長安道一迴來一迴老

同前

此去應集作此路去

薛能

汲汲復營營東西連兩京關繻古若在山岳累應成各自

有身事不相知姓名交馳一作喧衆類分散入重城此去

應無盡萬方人旋一作始生空餘片言苦來往覓劉禎

同前

王貞白

曉鼓人已行暮鼓人未息梯航萬國來爭先貢金帛不問

賢與愚但論官與職如何貧書生只獻安邊策

洛陽道

梁簡文帝

洛陽佳麗所大道滿春光遊童初一作時挾彈蠶妾始提筐

金鞍照一作被龍馬羅袖一作袂拂春桑玉車爭晚入潘果溢

高廂

同前

庾肩吾

微道臨河曲層城傍漢川金門繞出柳銅井半含泉日

起果愚外車迴雙闕前潘生時未返遙心從眷然

同前

岑敬之

喧喧洛川一作水濱鬱鬱小平津路傍桃李節陌上採桑春

聚車看衛玠連手望安仁復有能留客莫愁嬌態新

同前

張正見

層城啓旦扉上洛滿春輝柳影綠溝合槐花夾路飛蘇合
彈珠罷黃間負翳歸紅塵暮不息相看連騎稀

同前

陳瑄

洛陽九逵上一作衢上羅綺四時春路傍避驄馬車中看玉人

鎮西歌豔曲臨淄逢麗神欲知雙壁價潘夏正連茵

同前

車款

洛陽道八達洛陽城九重重關如隱起雙闕似芙蓉王孫
重行樂公子好遊從別有傾人處佳麗夜相逢

同前二首

徐陵

綠柳三春暗紅塵百戲多東門向金馬南陌接銅駝華軒

翼葆吹飛蓋響鳴珂潘郎車欲滿無奈擲如何

二

洛陽馳道上春日起塵埃濯龍望如水一作霧河橋渡似雷

聞珂知馬蹀傍幔見薨開相看不得語密意眼中來

同前

王瑳

洛陽夜漏盡九重平日開日照蒼龍闕煙遶鳳凰臺浮雲
翻似蓋流水到成雷曹王闔鷄返潘仁載果來

同前二首

江惣

德陽穿洛水伊闕邇河橋仙舟李膺棹小馬王戎鑣杏堂
歌吹合槐路風塵饒綠珠街淚舞孫秀強相邀

二

小平臨四達一作路長揪聽五鍾玉節迎司隸錦車歸濯
龍絃歌聲不息環佩響相從花障蕩舟笑日映下山蓬

同前

沈佺期

九門開路邑雙闕對河橋白日青春道軒裳半夏朝乘羊
稚子看捨翠美人嬌行樂歸恒晚香塵撲地遙

同前

白玉誰家郎迴車度天津看花東陌上驚動洛陽人

同前

馮著

洛陽宮中花柳春洛陽道上無人行皮裘毡帳不相識萬
戶千門閉春色春色深君王一去何時尋春色深春雨洒
周南一望堪淚下蓬萊殿中寢胡人鵲樓前放胡馬

君欲入西秦一作秦行君行不用過天津天津橋上多胡塵
洛陽道上愁殺人

同前

任翻

幢幢洛陽道塵下生春草行者豈無家無人在家老鷄鳴
前結束爭去恐不早百年路傍盡白日車中曉求富江海
狹取貴山岳小二端立在途奔走無由了

同前

王真白

喧喧洛陽路奔走爭先步唯恐着鞭遲誰能更迴顧覆車
雖在前潤屋何曾懼賢哉只二疏東門掛冠去

同前

于武陵

浮世若浮雲千迴故復新旋添青草塚更有白頭人歲暮

客將老雪晴山欲春行行車與馬不盡洛陽塵

文苑英華卷一百九十三

奉天

文苑英華卷一百九十三

樂府二

神仙篇三首

昇仙篇一首

昇天行三首

步虛詞十首

飛龍引三首

鳳簫曲一首

鳳笙曲一首

陽春歌六首

金一作會樂歌三首

白紵歌十八首

美女篇四首

日出東南隅四首

日出行三首

月重輪一首

泛舟行大江二首

雨雪曲六首

神仙篇

張正見集

億舜日萬堯年詠湛露歌採蓮願雜百和氣宛轉金爐前

同前

盧思道

浮生厭危役一作促名岳共招携雲軒遊紫府風駟立一作上

丹梯時見遼東鶴屢聽和一作淮南鷄王英持作寶瓊實採

成蹊飛策揚輕電懸旌耀彩蜺瑞銀光似燭靈石髓如泥

寥廓鸞山右超遙樂府作越鳳州西一作超遙一丸應五色特

此救行迷

此詩二百三十五卷道門重出今已削去注異同為

一作

同前

魯杞樂府作汜

王遠尋仙至欒巴訪術迴乘空向紫府控鶴下蓬萊霜分

白鹿駕日映流霞杯煎金丹未熟醒一作醜酒藥初開乍應

觀海變誰肯畏年頽

昇仙篇

梁簡文帝

少室堪求道明光可學仙丹繪碧琳宇綠王黃金篇雲車

了無轍風馬詎須鞭靈桃恒可餌幾迴三千年

昇天行三首

劉孝威類聚作曹植

乘橋一作躡追術士遠之蓬萊山靈液飛素波蘭柱上參天

文一作玄豹遊其下翔鸞一作鷗戲其巔乘風忽登舉彷彿一作

惶見衆仙

二

扶桑之所生乃在朝陽谿中心陵蒼皓一作昊布葉盖天涯

日出登東幹既夕沒西枝願得紆陽轡迴日使東馳

同前

盧思道

尋師得道訣輕舉厭人群玉山候王母珠庭謁老君煎為

返魂藥刺作長生文飛策乘流電彫軒曳彩一作紫雲玄

洲望不極赤野眺無垠金樓旦蹇嵯王樹曉氛氲擁琴遙

可聽一作望吹笙遠詎聞不學一作覺蟬蛸子干侶一作迢何

紛紛

道士步虛詞五首

庾信

渾成空教立元始正晶一作塗開赤玉靈文下朱陵直氣來

中天九龍館倒景八風臺雲度弦歌響星移宮殿迴青衣

上少室童子向蓬萊逍遙聞四會倏忽度三災

二

東明九芝蓋北燭一作屬五雲車飄颻入倒影出沒上煙霞

春泉下玉雷青鳥向金華漢帝看桃核齊侯問棗花上元

應送酒來向一作在蔡經家

三

歸心遊太極迴向入無名五香芬紫府千燈照赤城鳳林

採珠寶春一作龍山種玉榮夏笛三山響一作夏簧春鍾九

乳鳴絳河應遠別黃鸝來相迎

四

疑真天地表絕相一作想寂寥前有象猶虛豁忘形本自然

開經壬子世一作歲值道甲申年迴雲隨舞曲流水逐歌弦

石髓香如飯芝房脆以蓮停鸞譙瑤水歸踏上鳴天

五

洞靈尊上德虞石會明真要妙思玄絕一作虛無養谷神

丹丘乘翠鳳玄圃馭班麟一作移梨付苑吏種杏乞山人

自此逢何世從今復幾春海無三尺水山成數寸塵

同前

釋皎然

予因覽真訣遂感西城一作君玉笙下青真人間未會聞日

華鍊精一作鬼精一作鬼一作無垢氛謂我有仙骨且令餌氤

氲俯仰媿靈顏願隨鸞鶴群俄然動風馭縹緲歸青雲

同前太清宮作

顧况

迥步遊三洞清心禮七真飛符超羽翼一作焚一作火醮星辰

殘藥沾鷄犬空一作靈一作香出鳳麟壺中無窄處願得一容身

同前二首

陳羽

漢武清齋讀秘書一作太一作官扶上畫雲車壇上月明宮殿

閉仰看星斗禮空虛

二

樓殿層層阿母家崑崙山頂駐紅霞笙歌出見穆天子相

引笑看琪樹花

同前

蘇郁

十二樓藏玉牒中鳳凰雙宿碧梧桐流霞淺酌留君醉今

夜吹簫第幾重

飛龍引二首

李白

黃帝鑄昇於荆山鍊丹砂成黃金六字集作丹砂成黃金騎

龍飛去太清一作上家雲愁海思令人嗟宮中綵女顏如花

飄然揮手凌紫霞從風縱體登鸞車一作從登鸞車侍軒轅侍軒轅

一作疊句遨遊青天中其樂不可言

二

前人

昇湖流水清且閑軒轅去時有弓劍古人傳道留其間後

宮嬋娟多朱一作花顏乘鸞飛煙亦不還騎龍攀天造天關

造天關聞天語長一作迎雲河車載玉女過紫皇紫皇乃賜

白兔所擣之藥方後天而老凋三光下視瑤池見王母蛾

眉蕭颯成一作如秋霜

同前

陳陶

有熊之君好神仙食霞鍊石三千年一旦黃龍下九天騎

龍枿枿昇紫煙萬姓攀髯髯墮地啼呼弓劍飄寒水紫鸞

八九墮玉笙金鏡空留照魑魅羽幢離徒銀漢秋六宮望

斷芙蓉愁應龍下揮中園笑泓泓水遶青苔洲瑞風颯還

天光淺瑤闕戔戔橫露苑沆瀣樓頭紫鳳歌三株樹下青

牛飯鴻臚九闕相玉皇鈞天樂引金華郎散花童子鶴衣

短投壺姹女蛾眉長彤庭侍宴瑤池席老兔春高桂宮白

蓬萊下國賜分珪阿母金桃容小摘仙流萬緘蟲篆春三

十六洞交風雲千年小兆一蟬蛻丹臺職亞扶桑君金烏

試浴青門水下界蜉蝣幾迴死

鳳簫曲雜言

沈佺期

八月涼風下高閣千金麗人卷綃幕已憐池上歇芳非不
念君恩坐搖落世上榮華如轉蓬朝隨阡陌暮雲中飛鷺
侍寢昭陽殿班姬飲恨長信宮長信宮昭陽殿春來歌舞
妾自知秋至容華君不見昔時羸女厭世氛學鳳吹簫乘
綵雲含情轉盼向蕭史千載紅顏持贈君

鳳笙曲

前人

憶昔王子晉鳳笙遊雲空揮手弄白日安能戀青宮豈無
嬋娟子結念羅幃一作帳中憐壽不貴色身世兩無窮

陽春歌

柳顧言

春鳥一轉有千聲春花一叢千種名旅人無語出簷楹思
鄉懷土志難平唯當文共酒暫與興相迎

同前

顧野王

春草正芳菲重樓啓曙扉銀鞍俠客至柘彈宛一作婉童歸
池前竹葉滿井上桃花飛薊門寒水歇爲斷流黃機

同前

吳邁遠

百里望咸陽知是帝京城一作國綠樹搖雲光春城起風色
佳人愛華景流靡園塘側妍姿艷月映羅衣飄蟬翼宋玉
歌陽春巴人長嘆息雅鄭不同賞那令君愴惻生重愛一作受
惠輕私自憐何極

同前

吳象之

簾低曉露濕簾卷鶯聲急欲起抱筇篻如疑彩絃澁孤眼
愁不轉點淚聲相及淨掃街上花風來更吹入

同前

檀約

青春獻初歲白日映雕梁蘭萌猶自短柳葉未能長已見
紅花發復聞綠草香乘此試遊行誰知心獨傷

同前

李白

長安白日照春空綠楊結煙垂裏風披香殿前花始紅流
芳發色繡戶中繡戶中相經過飛燕皇后輕身舞紫宮夫
人絕代歌聖君三萬六千日歲歲年年柰樂何

金一作會樂歌

梁元帝

鳴鳥怨別偶曙鳥憶離一作誰家石門一作關題書字金燈飄

落花東風一作方曉星沒西山晚日斜穀衫迴廣袖團扇捲

輕紗暫借青驄馬來送黃牛車

同前

房篆

前漢沅璧水後渚映青天登臺臨寶鏡開牕對綺錢玉顏
耀光彩羅袖拂金鈿春風散輕蝶明月映新蓮摘花兢時
侶催栢及芳年

同前

梁簡文帝

槐花欲覆井楊柳正藏鴉山鑪好一作當無比玉構火牒賒

淋頭辟繩結鏡上領巾斜鐵鑊一作鍾種梁子銅樞生秦一作

棗花開門枕水柱一作拋城控一作按特言家

白紵歌

梁武帝

朱絲玉筯羅象筵飛管促節舞少年短歌流目未肯前含
笑一轉私自一作自知憐

文苑英華

助富

二

朱光灼爍照佳人含情遠一作送意遙相親媽然一作婉轉

亂心神非子之故欲誰因

此篇文苑英華接武帝前篇共是一首今郭茂倩樂

府拆而為二其題作沈約夏白紵歌却別有武帝

一首如後

纖腰嫋嫋不任衣嬌怨獨立特為誰赴曲君前未忍歸上

聲急調中心飛

同前五首

張纘

秋風鳴一作蕭條露垂葉空閨光盡生一作坐愁妾獨向長夜

淚承睫山高水深一作照非路難涉望君光景何時接

二

遙夜風遠時既寒秋風簫瑟白露團佳期不待歲月蘭念

此遲暮獨無歡鳴絃流管增長嘆

三

歌兒流唱聲欲清舞女趨節體自輕歌舞並妙會人情調

一作依絃度曲惟一作婉盈盈揚一作娥眉為態誰自成一作自誠

四

遙夜忘寐起長嘆但望雲中雙飛翰明月入牖風吹幔中

夜悠悠坐申旦誰能知我中心亂終然有懷歲方晏

五

日暮舉門望所思風吹庭樹月入帷涼陰既滿草虫悲誰

能離別長夜時流嘆不寐一作寢淚如絲與君之別終何如

同前四時

隋煬帝

東宮春

洛陽城邊朝日暉天淵池前春燕歸含露桃花開未飛臨
風楊柳自依依小苑花紅洛水綠清歌婉轉繁弦促長袖
逶迤動珠玉千年萬歲陽春曲

江都夏

梅黃雨細麥秋輕楓樹簫簫江水平飛樓綺觀軒若驚花
簾羅幙當夏清菱潭落日雙鳧舫綠水紅粧兩搖漾還似
浮桑碧海上詎一作誰肯空歌採蓮唱

和同前

郭茂倩樂府作江都夏

盧茂

長洲茂苑朝夕池映日含風結細漪坐堂一作當伏檻紅蓮

披一作枝雕軒洞戶青蘋吹輕幌芳煙鬱金馥綺簷花簾桃

李枝蘭茗翡翠但一作恒相逐桂樹鴛鴦恒並宿

長安秋

郭茂倩樂府又有虞茂此篇並附于此

露寒臺前曉露清昆明池水秋色明搖環動珮出曾城鷗
絃鳳管奏新聲上林蒲桃合縹緲甘泉奇樹上蒼青玉人
當歌理清曲婕妤恩情斷復續

同前三首

李白

揚清歌發皓齒北方佳人東隣子且吟白紵停綠水長袖
拂面為君起寒雲夜卷霜海空胡風吹天飄塞鴻玉顏滿
堂曲集作樂未終館娃日落歌吹濛一作深一無此句

二

月寒江深夜沉沉美人一笑千黃金垂羅舞毅揚哀音郢
中白雪且莫吟子夜吳歌動君心動君心冀君疑賞願作
天地雙鴛鴦一朝飛去青一作綠雲上

三

吳刀剪綺集作絲縫舞衣明粧麗服奪春暉揚目集作眉轉袖
若雲飛傾城獨立世所稀激楚結風舞名醉忘歸高堂月落
燭已微玉釵掛纓君莫違

同前二首

楊衡

玉纓翠佩雜輕羅香汗微漬朱顏醜為君起唱白紵歌清
聲裊雲繫思一作思繫多疑笳哀瑟一作琴時相和金壺半傾芳

復
夜促梁塵霏霏暗紅燭令君安坐聽終曲墜葉飄花難再

二

躡珠履步瓊筵輕身起舞紅燭前芳姿艷態妖且妍迴眸
轉袖暗催絃涼風蕭蕭漏水一作流水急月華泛灩紅蓮濕牽
裙攬帶翻成泣

同前

陳標

吳女秋機織曙霜冰蠶吐絲月盈筐金刀玉指裁縫促水
殿花樓弦管長舞袖慢移凝瑞雪歌塵微動避雕梁唯愁
一作恐陌上芳菲度狼籍鳳池荷葉黃

美女篇

蕭子顯

章丹一作暫輟舞巴姬請罷絃佳人淇浦出一作豔趙復
傾燕繁穠既為李照水亦成蓮朝酤成都酒暝數河間錢
餘光幸未借一作借一作許借蘭膏空自煎

同前

梁簡文帝

佳麗盡關情風流最有名約黃能效月裁金巧作星粉光
勝玉靚衫薄擬蟬輕密態隨流臉餘嬌逐語聲一作嬌歌逐軟聲
朱顏半已醉微笑隱香屏

同前

盧思道

京洛多妖艷餘春愛物華俱臨梁燈一作水一作恒臨鄧渠水共
採鄴園花時搖五明扇聊駐七香車情疏看笑淺嬌深
欲斜微津染長黛新溜濕輕紗莫言人未解隨君獨問家

同前

王琚

東隣美女實名倡絕代容華無比方濃纖得中非短長紅
素天生誰飾粧桂樓椒閣木蘭堂繡戶雕軒文杏梁屈曲
屏風繞象床菱蕤翠帳綴香囊玉臺龍鏡洞徹光金爐沉
煙酷烈芳遙聞行珮音鏘鏘含嬌含笑出洞房二八三五
閨心切褰簾卷幔迎春節清歌始發詞怨咽鳴琴一弄心
斷絕借問哀怨何所為盛年情多心自悲須臾破顏倏歛
態一悲一喜併相宜何能見此不注心惜無媒氏為傳音
可憐盈盈直千金誰家君子為藁砧

日出東南隅行

沈約

朝日出邶鄆照我叢臺端中有傾城豔顧影織羅紈延軀

似織約遺視若迴瀾瑤莊映層綺金服炫雕欒幸有周一作
同匡好西仕服秦官寶劔隨王具汗馬飾金鞍縈場類轉
雪逸控寫一作騰鸞羅襟一作夕解帶玉釵暮垂冠

同前

蕭子榮

樂府類聚
並作子顯

大明上迢迢陽城射陵霄光照牕中婦絕世同阿嬌明鏡
盤龍刻簪羽鳳凰雕逶迤梁家髻冉弱楚宮腰輕紈雜重
錦薄縠間飛綃三六前年暮四五今年朝蠶園拾芳蠶一作

蠶籠拾
芳翠

桑陌採桑

一作
柔

條出入東城裏上下洛西橋路逢

車馬客飛蓋動檐輶單衣鼠毛織寶劔羊頭銷大夫疲應

對御

一作
從

者輟連鑣

一作
御鑣

住間徒脉脉垣上幾翹翹女本

西家宿君自上宮要漢馬三千一作萬

一作

疋夫婿仕嫖姚鞞囊

虎頭綬左珥鳧盧貂橫吹龍鍾管奏鼓象牙簫十五張內
侍十八賈登朝皆笑顏郎老盡訝董公超

同前

盧思道

初月正如鈎懸光入鏡一作
綺樓樓中可憐妾如恨亦如羞
深情出豔語密意蒲橫眸楚腰寧且細孫眉本未愁青玉
勿當取雙銀詎肯一作
可留會待東方騎遙居最上頭

同前

李白

集無此詩樂
府作殷謀

秦樓出佳麗正值朝日光陌頭能駐馬花處復添香

日出行

蕭摛

昏昏隱遠霧團團乘陣雲正值秦樓女含嬌酬使君

同前

李白

日出東方隈似從地底來歷天又復入西海六龍所舍安
在哉其行終古不休息一作始與終古不息人非元氣安得與之久
徘徊草不謝榮於春風木不怨落於秋天誰將集作揮鞭策
驅四運萬物興歇皆自然羲和羲和汝奚汨沒於荒淫之
波魯陽何德駐景揮戈逆道違天矯誣實多吾將括囊集作
括囊大塊浩然與溟滓同科

同前

李賀

白日下崑崙發光如舒絲徒照葵藿心不見遊者集作子悲
浙浙集作折折黃河曲日從中央轉暘谷耳曾聞弱集作若水眼
不一作不可見奈何爍石胡為銷人昇能彎弓屬矢那不中足
令烏不得翔火不得奔詎教晨光夕昏

月重輪

戴嵩

皇基屬明兩副德表重輪輪重非是暈桂蒲自恒春海珠
全更城一作城階奠翳且新婕妤比團扇曹王譬洛神浮川
疑讓壁入戶類燒銀從來看顧兔不曾聞鬪麟北堂豈盈
手西園徧照人

泛舟橫大江

梁簡文帝

滄波白日暉遊子出王畿旁望重山轉前觀遠帆稀廣水
浮雲吹江風引夜衣旅鴈同洲宿寒鳧夾浦飛行客誰多
興當念早旋歸

同前

張正見

大江脩且濶揚舲度迴磯渡中畫鷁涌帆上錦花飛舟移

停集作浦月棹舉濕春衣王孫若定一作客若遠誰得一作
詎送將歸

雨雪曲

王筠樂府作

邊城風雪至客一作遊子自心悲風哀笳弄斷雪暗馬行遲
輕生本為國重氣不關私恐君猶不信撫劔一揚眉

同前

張正見

胡關辛苦地雪露遠漫漫含冰踏馬足雜雨凍旗竿沙漠
飛恒暗天山積轉寒無因辭日逐團扇掩齊紈

同前

江撻

雨雪阻榆溪從君度隴西遠陣看狐跡依山見馬蹄天寒
旗彩壞地暗鼓聲低漫漫愁雲起蒼蒼別路迷

同前

陳暄

都尉出初連雨雪滿鷄田雕陵持抵鵲屬國用和氈冰合
軍應度樓寒烽未燔一作燃花迷槎未着踈勒復經年

同前

謝燮

朔邊昔離別寒風復悽切戕戕六尺冰飄飄千里雪深閉
一作未塞袁安戶行封蘇武節用一作應隨隴水流幾迴一作疑
嗚咽

同前

盧照隣

虜騎三秋入關雲萬里平雪似胡沙暗冰如漢月明高闕
銀為闕長城玉作城節旄零落盡天子不知名

文苑英華卷第一百九十三

樂府三

詩四十四

公子行九首

少年行四十二首

輕薄篇五首

公子行

劉希夷

天津橋下陽春水天津橋上繁華子馬聲迴合青雲外人

影搖空綠楊裏一作搖揚碧波蕩漾玉為沙一作綠波清迴玉為砂

青雲離披錦作霞可憐楊柳傷心樹可憐桃李斷腸花此

日遨遊看美女此時歌舞入倡家倡家美女鬱金香飛去

飛來公子傍灼灼一作珠簾白日映娥娥玉貌一作紅粉

粧花際徘徊雙蛺蝶池邊顧步兩鴛鴦傾國傾城漢武帝

為雲為雨楚襄王古來容光人所羨况復今日遙相見願
作輕羅着細腰願為明鏡分嬌面與君相向轉相親與君
相栖共壹身願言一作願作真松千歲古誰論芳槿一朝新百
年同謝西山日千秋萬古北邙塵一有此二句

同前

常建

日日乘釣舟孀孀持釣竿涉淇傍荷花驄馬閑金鞍使客
白雲中腰間懸轆轤出門事嫖姚為君西擊胡胡兵漢騎
相馳逐野戰孤軍西海曲百尺旌竿沉黑雲邊笳落日不
堪聞

同前

司空曙

纏臂繡綸巾貂裘窄稱身射禽風助箭驟馬雪飛塵金埒
爭開道香車為駐輪翩翩不知處應是霍家親

同前

于鵠

少年初拜大長一作大常秋半醉垂鞭見列侯馬上抱鷄三市
鬪袖中携劍五陵遊玉簫金管迎歸院錦繡一作袖紅粧擁
上樓更向苑東新買宅月陂一作碧波春水入門流

同前

李商隱

一盞新羅酒凌霜一作晨恐易銷歸應衝鼓半去不待笙調
歌好難愁和香多不一作濃豈惜飄春塲鋪艾帳下馬雉媒嬌

同前

雍陶

公子風流嫌一作輕錦繡新裁白紵作春衣金鞭留當誰家
酒拂柳穿花信馬歸

同前

韓琮

紫袖長衫色銀蟬一作蟾半臂花帶裝集作長盤水玉鞍繡坐

雲霞別殿承恩澤飛龍賜渥洼控羅青裊轡象碧重葩

意氣催歌舞闌珊走鈿車袖障一作彰雲縹緲釵轉鳳欹斜

珠卷迎歸箔紅籠晃醉紗唯無難夜日不得似仙家

同前二首

聶夷中

漢代多豪族恩深益驕逸走馬踏殺人街吏不敢詰紅樓

宴青春數里望雲蔚金釭焰一作艷勝畫不畏落暉疾美人

盡如月南威莫能一作不敢正芙蓉自天來不向水中出飛瓊

奏一作綺雲和碧簫吹鳳質唯恨魯陽死無人駐白日

二

花樹出墻頭花裏誰家樓一行書不讀身封萬戶侯美人

樓上歌不見古涼州

少年行

吳筠

董生能巧笑子都信美目百事一作萬市一言千金買相逐

不省參差菜誰能一作論窈窕淑願言奉一作捧繡被來就越

人宿

同前

沈炯

長安妙少年驄馬鐵連錢陳王裝馬腦晉后鑄金鞭步搖

如飛鷲寶劍一作劍似舒蓮去來新市北遨遊大道邊倏忽

作老翁顏鬢似衰蓬自言生漢代少小見豪雄五侯俱拜

日一作拜爵七貴各論功建章連北闕一作通復道應一作

度南宮太后居長樂天子出迴中玉輦迎飛鷲金山賞鄧
通一朝復一日忽見市朝空扶桑無復海崑山倒向東少
年何暇問頽齡遇一作福終子孫真城盡鄉里一作不復
同淚盡眼方暗脾傷耳自聾杖策尋遺老歌笑一作詠悲
翁追隨各有遇非敢訪童蒙

同前

李百藥

少年飛翠蓋上路勒金鑣始酌文君酒新吹弄玉簫少年
不一作歡樂何以二無此盡芳朝千金笑裏面一搦撐一作
抱中腰掛纓誰一作憚宿落珥一作不勝嬌寄語二無此
少年子無辭歸路遙

同前

張昌榮

少年不識事落魄遊韓魏珠軒流水車玉勒浮雲騎縱橫
意不一然諾心無二白璧贈穰睢黃金奉毛遂妙舞飄龍
管清歌吟鳳吹三春小苑遊千日中山醉直言身可沉誰
論名與利依倚孟嘗君自知能市義

同前

鄭愔

穎川豪橫客咸陽輕薄兒田竇方貴幸趙李新相知軒蓋
終朝集笙等此夜吹黃金盈篋筍白日忽西馳

同前四首

王維

新豐美酒斗十千咸陽遊俠多少年相逢意氣為君飲繫
馬高樓垂柳邊

三

度南宮太后居長樂天子出迴中玉輦迎飛鷲金山賞鄧
通一朝復一日忽見市朝空扶桑無復海崑山倒何東少
年何暇問頽齡遇一作福終子孫冥滅盡鄉里一作不復
同淚盡眼方暗脾傷耳自聾杖策尋遺老歌笑一作詠悲
翁追隨各有遇非敢訪童蒙

同前

李百藥

少年飛翠蓋上路勒金鑣始酌文君酒新吹弄玉簫少年
不一作歡樂何以一無此盡芳朝千金笑裏面一搦撐一作
抱中腰掛纓誰一作憚宿落珥一作不勝嬌寄語一無此
少年子無辭歸路遙

同前

張昌榮

少年不識事落魄遊韓魏珠軒流水車玉勒浮雲騎縱橫
意不一然諾心無二白璧贈穰畦黃金奉毛遂妙舞飄龍
管清歌吟鳳吹三春小苑遊千日中山醉直言身可沉誰
論名與利依倚孟嘗君自知能市義

同前

鄭愔

穎川豪橫客咸陽輕薄兒田竇方貴幸趙李新相知軒蓋
終朝集笙竽此夜吹黃金盈篋筭白日忽西馳

同前四首

王維

新豐美酒斗十千咸陽遊俠多少年相逢意氣為君飲繫
馬高樓垂柳邊

三

不惜報讐千里如咫尺少年遊俠好經過
渾身裝束皆綺羅蘭蕙相隨喧妓女風光去處蒲
笙歌驕矜自言不可有俠士堂中養來久好鞍
好馬乞與人十千五千旋沽酒赤心用盡為知
已黃金不惜栽桃李桃李栽來幾度春一迴
花落一迴新府縣盡為門下客王侯皆是平交
人男兒百年且樂命何須徇一作讀書受貧病男
兒百年且榮身何須徇節甘風塵衣冠半是戰
征士一作征戰窮儒浪作林泉民遮莫枝根長百丈
不如當代多還往遮莫親姻連帝城不如當
身自簪纓看取富貴眼前者何用悠悠身後名

二

青雲少年子挾彈章臺左鞍馬四邊開突如
流星過金丸

飛鳥

一作肉

夜入

一作深

瓊樓

卧夷齊

是何人

獨守

西山

三

五陵年少金市東銀鞍白馬度春風落花踏
盡遊何處笑入胡姬酒肆中

同前

一作渭城少年行

崔顥

洛陽二月梨花飛秦地行人春憶歸揚鞭走
馬城南陌朝逢驛使秦川客驛使前日發章
臺傳道長安春早來棠梨宮中驚初至葡
桃館裏花正開念此使人歸更早三月便
達長安道長安道上春可憐搖風蕩日曲江
邊萬戶樓臺臨渭水五陵花柳滿秦川秦川
寒食盛繁華遊子春來不見一作喜家鬪鷄下
社春初合走馬章臺日半斜章臺帝城

稱貴里青樓日晚歌鍾起貴里豪家白馬嬌一作驕五陵年
少不相饒雙雙挾彈來金市兩兩鳴鞭上渭橋渭城橋頭
酒新熟金鞍白馬誰家宿可憐錦瑟箏琵琶玉壺清酒就
君家小婦春來不解羞嬌歌一曲楊柳花

同前 此詩見二百五卷

崔國輔

同前二首

王昌齡

西陵俠少年送客過長亭青槐夾兩路白馬如流星聞道

羽書急單于寇井陘氣輕浮道一作難誰願一作輕願一作難

顧燕山銘

二

走馬還相尋西樓下夕陰結交期一劍留意贈千金高閣

歌聲遠重門一作關柳色深夜闌須盡醉莫負百年心

同前 一作邯鄲少年行

高適

邯鄲城南一作西遊俠子自言一作矜生長邯鄲裏千場縱博

家仍富幾度一作處報讐身不死宅中歌舞日紛紛門外車

馬常集作轟如雲三字一作如雲也未知肝膽向誰是令人却憶

平原君不見即今集作今人交態薄黃金用盡還踈索以茲感

嘆一作辭舊遊更於時事無所求且與少年飲美酒往來

射獵西山頭

同前

吳象之

承恩借獵小平津使氣常遊中貴人一擲千金渾是膽家
無四壁不知貧

同前四首

李嶷

十八羽林郎戎衣侍漢一作漢事王臂鷹金殿側挾彈玉舉一作

輿旁馳道春風起陪遊出建章

二

侍獵長楊下承恩更射飛塵生馬影城箭落鴈行稀薄暮

隨天一作歸隨伏聯翩入鏃關

三

玉劍膝邊橫金盃馬上傾朝遊茂陵道夜一作暮宿鳳凰城

豪吏多猜忌無勞問姓名

同前

韓翃

千點爛燭噴玉驄青絲結尾繡纏駿集作鬃鳴鞭曉出章臺

踏禁葉春衣楊柳風

同前一作長安少年行

釋皎然

翠樓春酒蝦蟆陵長安少年皆共矜紛紛半醉綠槐道蹀

蹀花驄驕不勝

同前二首

李益

君不見上宮警夜營八屯鏦鏦街鼓朝朱軒玉堦霜仗擁

未合少年排入銅龍門暗聞絃管九天上宮漏沉沉清吹

繁平一作纜明走馬絕馳道呼鷹挾彈通繚垣玉籠金鎖養

黃口探雛取邠伴王孫分曹六博快一擲迎歡先意笑聲

喧巧為柔媚學優孟儒衣嬉戲冠沐猿晚來香街經柳市

行過倡舍宿桃根相逢酒後一作盃酒一言失迴朱點白聞至

尊金張許史伺顏色王侯將相莫敢論豈知人事無定勢
朝歡暮戚如掌翻椒房寵移子愛奪一夕秋風生矣園徒
用黃金將買賦寧知白玉暗成痕持盃收水水已覆徒薪
避火火更燔欲求四老張丞相南山如天不可上

二

生長邊城傍出身事弓馬少年有膽氣獨獵陰山下偶與
匈奴逢曾擒射鵰者名懸壯士籍請君少相假

同前

張籍

少年從獵去集作獵出又作出獵長楊禁中新拜羽林郎獨對輦前

射雙虎君王手賜黃金璫白日鬪鷄傍新市一作日日鬪鷄都市裏

贏得寶刀重刻字百里報讐夜出城平明還抵一作倡樓

醉遙聞虜到平陵下不待勅一作詔書行上馬斬得戎一作

王獻桂宮封侯起宅一作一日中不為北郡良家子一作

百戰乃得一作始取邊城功

同前五首一作長安少年行

李廓

金紫少年郎繞街鞍馬光身從左中尉官屬右春坊刻戴
揚州帽重薰異國香垂鞭踏青草來去杏園芳

二

追逐輕薄伴閑遊不着緋長櫛出獵馬數換打毬衣曉日
尋花去春風帶酒歸青樓無晝夜歌舞歇時稀

三

新年高殿上始見有光輝玉鴈排方帶金鵝立仗衣酒深

和婉賜馬疾打珂飛朝下人爭看香街意氣歸

四

戟門連日閉苦飲惜殘春開鎖通新客教姬屈醉人請歌
牽白馬自舞蹈紅茵時輩皆相許平生不負身

五

遨遊携豔妓裝束是男兒杯酒逢花住笙歌簇馬吹鶯聲
催曲急春色訝歸遲不似聞街鼓華筵待月移

同前

杜牧

官爲駿馬監職帥羽林兒兩綬藏不見落花何處期獵鼓
白玉銙怒袖紫金鉞田竇長留醉蘇辛曲讓一作岐豪持
出塞節笑別遠山眉捷報雲臺賀公卿拜壽卮

同前

雍陶

不倚軍功有俠名可憐毬獵少年情戴鈴徒鶻隨聲下撼
珮驕驄弄影行覓匠重裝燕客劍對人新按越姬箏豈知
儒者心偏苦吟向秋風白髮生

同前二首

僧貫休

錦衣鮮華一作繁手擎鶻閑行氣貌多輕忽稼穡艱難總不
知三皇五帝是何物

二

自拳五色毬送入他人宅却促蒼頭奴玉鞭打一百

同前二首

王貞白

遊讌不知厭杜陵狂少年花時輕暖酒春服薄裝綿戲馬

上林苑鬪鷄寒食天魯儒耳被笑對策鬢皤然

二

弱冠投邊急驅兵夜渡河追奔鐵馬走殺虜寶刀靴威靜

黑山路氣含一作吞清海波常聞為突騎天子賜長戈

輕薄篇

何遜

城東美少年重身輕萬億拓彈隨珠丸白馬黃金飾長安

九達上青槐陰一作陰道植轂擊晨已喧肩排冥不息走徇

通四息一作息望牽牛亘一作向南直相期百戲傍去來三市側

象床香繡被玉盤傳綺食倡女掩扇歌小婦開簾織相看

獨隱笑見人還斂色黃鶴悲故羣山妓詠新識鳥飛過客

盡雀聚行龍匿酌酒方厭厭此時歡無極

同前

張正見

洛陽美少年朝日正開霞細踏聯鑣一作連錢馬傍趨首藉花

揚鞭却還望春色蒲東家井桃映水落門柳雜風斜綿蠻

弄青綺蛺蝶遶承華欲往飛簾館遥駐季倫車石槠傳馬

腦蘭肴莫象牙聊持自一作自持娛樂未是鬪豪奢莫嫌龍馭

曉一作晚扶桑復浴鴉

同前

李益

豪不必馳千騎雄不在垂雙鞭一作鞬天生雋氣自相逐出

與鷓鴣同飛翻朝行九衢不得意下鞭走馬城西原忽聞

燕鴈一聲去廻鞍挾彈平陵園歸來青樓曲未半美人玉

色當金樽淮陰少年不相下酒酣半笑倚市門安知我有

不平色白日欲顧一作集紅塵昏死生容易如反掌得意失
意由一言少年但飲莫相問此中報讐兼一作報恩

同前二首

釋貫休

繡林錦野春態相壓誰家少年馬蹄蹋蹋聞鷄走狗夜不
歸一擲賭却如花妾唯言不顛不狂其名不彰悲夫

二

木落蕭蕭蛩鳴唧唧不覺朱蕪臉紅霜劫鬢添世途多事
泣向秋日方今一作吟少壯不努力老大徒傷悲如何

文苑英華卷第一百九十四

文苑英華卷第一百九十五

詩四十四

樂府四

結客少年場八首

行行且遊獵二首

門有車馬客四首

對酒二十一首

前有一樽酒三首

將進酒三首

勸酒六首

飲酒樂一首

結客少年場行

劉孝威

少年本六郡遨遊遍五都插腰銅七首障日錦屠蘇驚一作

驚羽裝銀鏞犀膠飾象弧近發連雙兔高竦落九鳥邊城

多警急節使一作度滿郊衢居延箭箠盡踈勒井泉枯正蒙

都護接何由憚險途千金募惡少一麾擒骨都勇餘聊踰

蹴戰罷暫

一作戲

投壺昔為北方

一作邊

將今成

一作為

南面狐

邦君行負弩縣令且前驅

同前

梁吳均

結客少年歸翩翩駿馬肥報恩殺胡

一作人

竟賢君賜錦衣

握蘭登建禮拖玉入含暉顧看草玄者功名終自微

同前

庾信

結客少年場春風路滿香歌撩

一作嫌

李都尉果擲潘河陽

隔

一作折

花遙勸酒就水更

一作便

移床今年喜夫婿新拜羽

林即定知劉碧玉偷嫁汝南王

同前

孔紹安

結客佩吳鉤橫行度隴頭鴈在弓前落雲從陣後浮吳師

驚燧象燕

一作火

將警奔牛轉蓬飛不息冰河結未流若

三邊定當封萬里侯

同前

虞世南

韓魏多奇節倜儻遺名利共矜然諾情

一作心

各負縱橫意

一作志

結交友

一作友

一言重相期千里至綠沉明月弦金絡浮

雲轡吹簫入吳市擊筑遊燕肆尋源博望侯結客遠相求

少年懷一顧長驅背隴頭

談談霜戈動耿耿虹劍

一作劍

浮

風

一作雲

起龍沙暗木落鴈門秋天山冬夏雪交河南北流

輕生殉

一作狗

知己非是為身謀

同前

盧照隣

長安重遊俠雒陽富才

一作財

雄玉劍浮雲騎金鞭

一作鞍

明

月弓闢鷄過渭北走馬向關東孫賓一作趙妓事遙見侍一作

待郭解暗相通不受千金爵誰論萬里功將軍下天上虜

騎入雲中烽火夜似月兵氣曉成虹橫行狗知己負羽遠

從一作征戎龍旌昏朔霧鳥障卷胡風追奔瀚海咽戰罷陰

山空歸來謝天子何如馬上翁

同前

盧一作虞羽客

幽并俠少年金絡控連錢竊符方救趙擊筑正懷燕輕生

辭鳳闕揮袂上祁連陸離橫寶劍出沒驚一作驚徂旃蒙輪

恒顧敵超乘一作忽爭先摧枯逾百戰拓地遠三千骨都

魂已散樓蘭首復傳龍城含苦一作宿霧瀚海接一作隔遙

天歌吹金微返振旅玉門旋烽火今已息非復照甘泉

同前

李白

紫騮黃金瞳稜稜搖綠鬣一作髮平明相馳逐結客洛門東

少年學劍術陵轡白猿公珠袍曳錦帶匕首插吳鴻由來

萬夫勇挾此生一作英雄風託交從劇孟買醉入新豐笑盡

一盃酒殺人都市中羞道易水寒徒一作從今日貫虹燕丹

事不立虛沒秦帝宮舞陽死灰人安可與成功

行行且遊獵篇一作遊行

劉孝威

之果講射所上林娛獵場選徒嬌楚客詔狩誇胡王罕車

已戒道風鳥復啓行飲飛具矰繳材官命蹶張高且掩月

兔勁矢射天狼蹠地不遑免一作逸排虛豈及翔日暮鈎陳

轉風清鏡吹颺歸來宴平樂寧肯滯禽荒

同前

孟雲卿

少年多武力勇氣冠幽州何以縱心賞馬蹄春草頭遲遲
平原上狐兔奔林丘猛火忽前遊俊鷹連下講俯身逐南
北輕捷固難儔所發無不中失之如我讐豈唯務馳騁倚
爾暮田疇殘殺無不痛古來良有由

門有車馬客

何遜

門有車馬客言是故鄉來故鄉有書信縱橫印檢開開書
看未極行客屢相識借問故鄉來潺湲淚不息上言離別
久下言望應歸寸心將夜鵲相逐向南飛

同前

張正見

飛觀霞光起重門戒早一作旦開北闕高轡至一作箱過東方遠

一作連騎來紅塵揚翠轂赭汗染龍媒梢鞭聊靜電接眼漸

一作軫暫停雷桃花扶岸一作夾院聚流水傍池迴非關萬里

客自是一作有六竒才琴和朝翟一作雉操酒泛夜光杯舞袖

飄金谷歌聲繞鳳臺良時不再遇一作可再騶御鬱相催安知

太行道失路車輪摧

同前

虞世南

財雄一作陳遵重交結戚里一作田蚡擅豪華曲臺臨上路高軒一作

門抵狹斜赭汗千金里一作馬繡軸五香車白鶴隨飛

蓋朱鷺入鳴笳夏蓮開劒水春桃發綬花高談辨飛兔摛

藻摶靈蛇一作雲浮蟻泛流霞逢恩出毛羽一作借失路委泥

沙曖曖風煙晚路長歸騎遠日斜青瑣第塵飛金谷苑危

絃促柱奏巴渝遺簪墮珥解羅襦如何守直道翻使谷名愚

同前

李白

門有車馬賓一作客金鞍耀珠輪謂從雲一作丹霄落乃是故

鄉親呼兒掃中堂坐客論悲辛對酒兩不飲停觴淚盈巾

歎我萬里遊飄飄三十春空談霸王畧紫綬不掛身雄劍

藏玉匣陰符生素塵廓落無所合流離湘水濱借問宗黨

間多為泉下人生苦百戰役死托萬鬼隣北風揚湖沙霾

埋一作翳周與秦天運且如此蒼穹能匪仁惻愴憶一作竟何

道存亡任天均一作大鈞

對酒

范雲

對酒心自足故人來共持方悅羅衿解誰念髮成絲徇性

良為達求名本自欺逮君當歌日及我傾樽時

同前

張正見

當歌對玉酒匡坐酌金壘竹葉三清泛葡萄百味開風移

蘭氣入月逐桂香來獨有劉將阮忘情寄羽盃

同前

岑敬之

色映臨池竹香浮滿砌蘭舒文泛玉盃漾蟻溢金盤簫曲

隨鸞易笳聲出塞難唯有將軍酒川上可除寒

同前

張率

對酒誠可樂此酒復芳醇如華良可賞一作貴似乳更堪一作

井珍何當留上客為寄掌一作壽屬中人金罇清復滿玉盤一作

盤
亟來親誰能共遲暮對酒及惜一作芳辰君歌尚未罷却
坐避梁塵

對酒歌

范崇樂府作
庾信

春水望桃花春洲籍芳杜琴隨一作綠珠借酒就文君取

牽牛一作馬向渭橋日曝山頭脯山簡接羅倒王戎如意舞

箏鳴金谷園笛韻平陽塢人生一百年歡笑唯三五何處

覓錢刀求為洛陽賈音古

對酒春園作

庾信

數盃還已醉春風一作風雲不復知唯有龍吟笛桓伊能獨吹

同前春園作

王勃

投簪下山閣携酒對河梁狹水牽長鏡高花送斷香繁鶯

歌似曲踈蝶舞成行自然催一醉非但閱年光

同前巴陵作

張說

留侯封萬戶園令壽千金本為成王業初由賦上林繁華

一作榮安足恃霜露迺相尋鳥哭楚山外猿啼湘水陰夢中

城闕近天畔海雲深空對忘憂酌一作酒離憂不去心

同前

崔國輔

行行日將夕荒村古塚無人跡蒙籠荆棘一鳥飛屢唱提

壺沽酒喫古人不達酒不足遺恨精靈成一作傳此曲寄言

世上一作當代諸少年平生須盡杯中綠

同前一作月下獨酌

李白

花前一作下一壺酒獨酌無相親舉杯邀明月對影成三人

月既不解飲影徒隨我身暫伴月將影行樂須及春我歌
月徘徊我舞影凌亂醒時同交歡醉後各分散未結無情
遊相期邈雲漢一作碧

此詩一百五十二卷重出今已削去注異同為一作

二一作月
夜獨酌

天若不愛酒酒星不在天地若不愛酒地應無酒一作泉
天地既愛酒愛酒不愧天已聞清比聖復道濁如賢聖賢
既已飲何必求神仙三盃通大道一斗合自然但得醉中
趣勿為醒者傳

三 此詩見二百七十卷

對酒示申屠學士

戴叔倫

三重江水萬重山山裏青春度日閑且向白雲求一醉莫
教愁夢到鄉關

湘中對酒行

張謂

夜坐不厭湖上月晝遊不厭湖上山眼前一罇又長滿心
中萬事如等閑主人有黍數百石濁醪數斗應不惜即今
相逢不盡歡別後相思復何益茱萸灣頭歸路賒願公止
宿黃公家風光若此人不醉參差孤負東園花

對酒曲

賈至

春來酒味濃舉酒對春叢一酌千憂散三盃萬事空放歌
乘美景醉舞向春風寄語罇前客生涯任轉蓬

二

梅發柳依依黃鸝歷亂飛當歌憐景色對酒惜芳菲曲水
浮花氣流風散舞衣通宵留暮雨上客莫言歸

對酒

王建

為病比來渾斷絕因緣一作緣花不免却知聞從來樂一作事
關身少坐領春風只在君

秋日對酒

武元衡

行年過始衰秋至獨先悲事往悻神魄感深滋涕洟百憂
紛在慮一醉兀無思寶琴拂塵匣清韻音作凝朱絲幽圃蕙
蘭氣煙窻松桂姿我乏濟時略仗節撫坤維山川大兵後
牢落空城池驚沙猶振野綠草生荒陂物變風雨順人懷
天地慈春耕俟一作事秋戰戎馬去封陲波瀾暗超忽微雨

亦磷緇客有自嵩穎重徵棲隱期丹訣學仙晚白雲歸谷
遲君恩不可報霜露繞南枝

對酒

白居易

莫上青雲去青雲足愛憎自賢誇智慧相軋闕功能魚爛
緣吞餌蛾焦為撲燈不如飲美酒任性醉騰騰

同前

曹鄴

愛酒知是癖難與性相捨未必獨醒人便是不飲者晚歲
無此物何由住田野

錢塘對酒曲

陳陶

風天鴈悲西陵愁使君紅旗弄濤頭東海神魚騎未得江
天大笑閑悠悠嗟峨吳山莫誇碧河陽經年一宵白南州

彩鳳爲君生古獄愁蛇待恩澤三清羽童來何遲十二玉樓蝴蝶飛炎荒翡翠九門去遼東白鶴舞歸期一作家歸鳴夷公子休悲悄六鰲如鏡天始老罇前事去月團圓琥珀無情憶蘇小

前有一罇酒雜言

張正見

前有一罇酒主人欲行壽今日合來坐者當令皆富且壽欲令主人三萬歲終歲不知老爲吏當高遷賈市得萬倍桑蠶當大得主人宜子孫

前有罇酒行

李白

東一作春風東一作忽非來忽相過金罇酒綠生微波落花紛紛稍覺多美人欲醉朱顏醜青軒桃李有一作能幾何流光欺人

忽蹉跎君起舞日西一作將夕當年意氣不肯惜一作傾白髮

如絲竟一作白首何益一作垂絲嘆

二

琴奏龍門之綠桐玉壺美酒清若空催絃拂柱與君飲眼白看林顏色紅一作看朱成碧胡姬貌如花當爐笑春風笑春風舞羅衣君今不醉欲安歸

將進酒

梁昭明太子

洛陽輕薄子長安遊俠兒宜城溢渠椀中山浮羽卮

同前一作惜空酒

李白

君不見黃河之水天上來奔流到海不復迴君不見高堂明鏡悲白髮朝如青雲一作絲暮成雪人生得意須盡歡莫

使金樽空對月天生我材必有用一作我身千金散盡還

復來烹羊宰牛且為樂會須一飲三百盃岑夫子丹丘生

將進酒杯一作君莫停與君歌一曲請君為我傾耳聽鍾鼎

玉帛豈足貴一作鍾鼓饌但願長醉不復用一作醒古來賢

聖皆死盡一作聖賢惟有飲者留其名陳王昔日一作宴

平樂斗酒十千恣歡譁主人何用一作言少錢徑須沽酒

一作對君酌五花馬千金裘呼兒將出換美酒與爾同銷

萬古愁

此詩三百三十六卷重出今已削去

同前

陳陶

金樽莫倚青春健齷齪浮生如走電琴瑟盤傾從世珠黃

泥局瀉流年箭麻姑瓜禿瞳子昏東皇肉角生魚鱗靈

柱骨半枯朽驪龍德悔二字愁耕人周孔著龜久淪沒黃

高疑誰認賢愚骨兔苑詞才去不還蘭亭水石空明月姮

一作娥美簫香雨收江濱送瑟魚龍愁靈芝九折楚蓮醉

翾風一歎梁庭秋一作醉亞蠻觥奉君壽玉山三獻春紅

透銀鴨金鵝言符誰隋家嶽瀆皇家有珊瑚座上凌香雲

鳳臙龍炙猩猩脣芝蘭此日不傾倒南山白石皆賢人文

康調笑麒麟起一曲飛龍壽天地

山人勸酒

李白

蒼蒼雲松落落綺皓春風爾來為阿誰蝴蝶忽然滿芳草

秀眉霜雪顏桃李一作桃骨清髓綠一作青長美好稱是

秦時避世人勸酒相歡不知老各守麋鹿志耻隨龍虎爭
歛起安太子漢皇乃復驚顧謂戚夫人彼翁羽翼成歸來
商山下况若雲無情舉觴酌巢山洗耳何太獨一作清浩歌
望嵩嶽意氣遙相傾

相勸酒

李賀

羲和聘六轡晝夜夕一作不魯閑彈鳥唵磁石扶馬蟠桃鞭
蓐收既斷翠柳青帝更一作造紅蘭堯舜至今萬萬歲數
子將為傾蓋間青錢白璧買無端丈夫快志一作方為歡
臙螭臙熊何足言會須鍾飲北海箕踞南山歌淫淫管情
情橫波好送一作離題金人生得意且如此何用強知元
化心相勸酒終無醉伏願陛下鴻名絲一作不歆子孫綿

如石上葛東

一作來

洛一無此字

長安車轡轡中有梁冀舊宅石

崇故園

勸酒

李敬方

不向花前醉花應解笑人只憂連夜雨又過一年春日日
無窮事區區有限身若非盃酒裏何以寄天真

同前

聶夷中

白日無定影清江無定波人無百年壽百年復如何堂上
陳美酒堂下列笙歌與君入醉鄉醉鄉樂天和歲歲松柏
茂日日丘陵多君看終南山萬古青峩峩

二

灞上送行客聽唱行客歌適來橋下水已作渭川波人間

榮樂少四海別離多但恐別離淚自成苦水河勸爾一杯酒所贈無餘多

飲酒樂

前人

日月似有事一夜行一周草木猶須老人生得無愁一愁解百結再飲破百憂白髮欺貧賤不入醉人頭我願西江水盡向杯中流安得阮步兵同入醉鄉遊

西江集作東海

文苑英華卷第一百九十五

文苑英華卷第一百九十六

樂府五

俠客行六首

西遊咸陽中一首

俠客控絕影一首

劉生九首

燕客行八首

鴈門太守歌四首

將軍行一首

戰城南十首

胡無人四首

俠客行

王筠

俠客趨名利劍氣坐相矜黃金塗鞘尾白玉飾鈎膺晨馳逸廣陌日暮還平陵舉鞭向趙李與君方代興

同前

王褒

京洛出名謳豪俠競交遊河南期一作朝四姓關西謁五侯
聞鷄橫大道走馬出長秋桑陰徒一作徒將夕槐路轉淹留

同前

庾信

俠客重連鑣金鞍被桂條細塵障路起驚花亂眼飄酒醺
人半醉汗濕馬全驕歸鞍畏日晚爭路上河橋

同前

陳良

洛陽春色麗遊俠騁輕肥水逐車輪轉塵隨馬足飛雲影
遙臨蓋花氣近薰衣東郊聞鷄罷南坡射雉歸日暮河橋
上揚鞭惜晚暉

同前

李白

趙客綬胡纓吳鉤霜月明銀鞍以照白馬颯沓如流星十步
殺一人千里不留行事了拂衣去深藏身與名閑過信陵
飲脫劍膝邊橫將炙啖朱亥持觴勸侯嬴三盃吐然諾五
岳倒為輕眼花耳熱後意氣素霓生救趙揮金錘却鄆先
震驚千秋二壯士烜赫大梁城縱死俠骨香不慙世上英
誰能書閣下白首太玄經

同前

崔國輔

玉劍膝前橫金杯馬上傾朝遊茂陵道夜宿鳳凰城一作城
豪俠多猜忌無勞問姓名

西遊咸陽中

陰鏗

上林春色滿咸陽遊俠多城斗疑連漢橋星像跨河影裏
着飛鞍塵前聽遠珂還家何意晚無處不經過

俠客控絕影

楊縉

青門小苑物華新
花開鳥哢會芳春
仙掌層臺浮麗日
長揪橫路起紅塵
園中追尋桃李逕
陌上逢迎遊俠人
遊俠英名馳上國
人馬意氣兩俱得
白玉轆轤秋水劍
青絲宛轉黃金勒
復有魚目並龍文
躡景追風本絕群
影入吳門疑曳練
形來西北似浮雲
寄語幽并馳射客
未肯推名持借君

劉生

梁元帝

任俠有劉生
然諾重西京
扶風好驚坐
長安恒借名
菊花連夜飲
竹葉解朝醒
結交李都尉
遨遊佳麗城

同前

張正見

劉生絕名價
豪俠恣遊陪
金門四姓聚
簫鼓一作五香集
五來塵飛瑪瑙勒
酒映車渠盃
別有追遊集作夜愁
惚向月開

同前

柳莊

四坐驚稱字一作坐驚稱字孟
英雄道姓劉
廣陌通朱邱
大路起青樓
要賢驛已置
留客轄仍投
光斜日下霧
庭陰月上鈎

同前

江暉

五陵多美選
六郡盡良家
劉生代豪蕩
標矩一作獨榮華
寶劍長三尺
金樽滿百花
唯當重意氣
何處有驕奢

同前

徐陵

劉生殊倜儻
任俠適京華
戚里驚鳴筑
平陽吹怨笳
倍儒

排石氏新室是誰家高才被擯壓自古共憐嗟

同前

江揔

劉生負意氣長嘯共徘徊高論明秋水命賞陟春臺干戈
倜儻用筆硯縱橫才置驛無年限流俠四方來

同前

弘執恭

英名振關右雄氣逸江東遊俠五都內來去三秦中劍照
七星影馬控千金驄縱橫方未息因茲定立一作功

同前

楊炯

鄉家本六郡年長入三秦白璧酬知己黃金謝主人劍鋒
生赤電馬足起紅塵日暮歌鍾發喧動四隣

同前

盧照隣

劉生氣不平抱劍欲專征報恩為豪俠死難在橫行翠羽
裝劍鞘黃金飾馬鈴但令一顧重不怯百身輕

燕歌行

梁元帝

燕趙佳人本自多遼東少婦學春歌黃龍戍北花如錦玄
菟城中月似娥如何此時別夫婿金羈翠毳往交河還聞
入漢去燕營怨妾心中一作愁心百恨生漫漫悠悠天未曉遙

遙夜夜聽嚴

一作寒

更自從異縣心同別偏恨同時成異節

橫波滿臉萬行啼翠眉漸

一作暫

歛千重結並海連天合不

開那宜

一作堪

春日上春臺唯見遠舟如落葉復看遙舸似

行盃沙汀夜鶴嘯羈雌妾心無怨生別離翻嗟漢使音塵
斷空傷賤妾燕南垂

同前

蕭子顯

風光遲暮出青蘋蘭條翠鳥發春鳴洛陽梨花白如雪河

邊細草青如茵桐生井底葉交枝今看無端雙燕離五重

飛一作花樓入河漢九華閣道暗清池遙看白馬津上吏傳

道黃龍征戍兒明月金花徒一作從照妾浮雲玉葉君不知

思君昔去柳依依至今八月避暑歸明珠蠶繭登勉機杼

金春蕤特香衣洛陽城頭鷄欲曙丞相府中鳥未飛夜夢

征人縫狐貉私憐織婦裁錦絡吳刀鄭錦結句寒閨夜被

薄芳年海上水中晷日暮寒夜空城雀一作空城

同前

王褒

初春麗景鶯欲嬌桃花流水沒河橋薔薇開花百里葉楊

柳覆池數一作楊柳千條隴西將軍號都護樓蘭校尉稱

嫋姚自惜別如春燕分經年一去無相親一作無作後

漢地關山一作長安月唯有漠北薊城雲淮南鏡一作桂中明月

影流黃機上織成文充國軍行屢築營楊史討虜陷平城

下風不多能却陣沙中雪淺詎停兵屬國小婦猶年少羽

林輕騎數征行遙聞陌上採桑曲猶勝邊地胡笳聲向暮

使人泣還使一作長望閨中空竚立桃花落地杏花舒一作桃

花一作花桐生井底寒葉踈試為來看上林鴈應一作有遙寄

隴頭書

同前

庾信

代北雲氣晝昏昏千里飛蓬無復根寒鴈噤噤一作丁丁

度遼水桑葉紛紛落薊門晉陽山頭無箭竹踈勒城中乏
水源屬國征戍久離居陽關音信絕能踈願得魯連飛一
箭持寄思歸燕將書度遼本自有將軍塞風蕭蕭生水紋
妾驚甘泉足烽火君訝漁陽少一作多陣雲自從將軍出細
柳蕩子空牀難獨守盤龍明鏡餉秦嘉碎惡生香寄塞壽
春分燕來能幾日二月蠶眠不復久洛陽遊絲百丈連黃
河春冰千片穿桃花顏色好如一作如好馬榆莢新開巧似作
似錢蒲桃一杯千日醉無事九轉學神仙定取金丹作幾
服能令華表得千年

同前

石司

漁陽八月塞草腓征人相對併思歸雲和朔氣連天暗蓬
雜胡沙散野飛此時天地陰埃徧瀚海龍城皆血戰兩軍
鼓角暗相聞四面旌旗看不見昭君遠嫁已年多戎狄無
厭尚不和漢兵候月秋防塞胡騎乘冰夜渡河河塞東西
萬餘里地與京華不相似燕支山上火光輝黃砂磧下無
流水金戈玉劔十年征紅粉青樓多怨情厭得殊方久爲
別秋來愁見搗衣聲

同前

陶翰

請君留楚調聽我吟燕歌家在遼東頭邊風意氣多出身
爲漢將正值戎未和雪中凌天山水上渡交河大小百餘
戰封侯竟蹉跎歸來灞陵下故舊無相過雄劔委塵匣空
門垂雀羅玉簪還趙女寶瑟付齊娥昔日不爲樂時哉今

柰何

同前

高適

開元十六年客有從御史大夫張公出塞而還者作燕歌
行以示適感征戍之事而和焉

漢家煙塵在東北漢將辭家破殘賊男兒本自重橫行天
子非常賜顏色撥金伐鼓下榆關旌旆逶迤碣石間校尉
羽書飛瀚海單于獵火照狼山山川蕭條極邊土胡騎憑
陵雜風雨戰士軍前半死生美人帳下猶歌舞大漠窮秋
塞草衰一作腓孤城落日聞兵稀身當恩遇恒輕敵力盡關
山未解圍鐵衣遠戍辛勤久玉筋應啼別離後少婦城南
欲斷腸行一作征人薊北空迴首邊風飄颻難可越一作那

絕域蒼茫無所

一作更何

有殺氣三時

一作日

作陣雲寒風

一作聲

一夜傳刀斗相看白刃徒

一作血

紛紛死節從來豈顧勳君

不見沙場征戰苦至今猶憶李將軍

同前

賈至

國之重鎮惟幽都東威九夷北制胡五軍精卒三十萬百

戰百勝擒單于前臨澤沱阻易

一作後阻

水崇山沃野亘千里

昔時燕王重賢士黃金築臺從隗始倏忽興亡空

一作王定

薊

丘漢家又似封五

一作王

侯蕭條魏晉為橫流鮮卑竊據朝

五州我唐區夏餘十紀軍容武備赫萬祀彤弓黃鉞授元

帥墾耕大漠為內地季秋膠折邊草腓理兵羽獵因出師

千營萬隊連旌旗望天

一作之

如火忽電馳匈奴懾竄窮髮

比大荒萬里無塵飛君不見一無此三字隋家昔爲天下宰窮
兵黷武征遼海南風不競多死聲鼓卧旗折黃雲橫六軍
將士皆死盡戰馬空鞍奔故營時移道革天下平白環入
貢蒼海清自有農夫已高枕無勞校尉重橫行

鴈門太守歌二首

梁簡文帝

輕霜終夜下黃葉晚辭枝寒苦春難覺邊城秋易知風急
征旗斷塗長鎧馬疲少解孫吳法家本幽并兒非關買鴈
肉徒勞皇甫規

二

隴暮風恒急關寒霜自濃櫪馬夜方飼邊衣秋未重潛師
夜接戰略地曉催鋒悲笳動胡塞高旗出漢壙勤勞謝功

業青白報迎逢非領主人賞寧期定遠封單于如未繫終
夜慕前蹤

同前

褚朔

二月柳花合四月麥秋初幽州寒食罷鄭國採桑踈更聞
鴈門守一作戍結束事戎車去歲無霜雪今年有閏餘月如
弦上弩蝗類水中魚戎車攻日逐燕騎蕩康居大宛歸善
馬小月送降書寄語閨中妾勿怨寒牀虛

同前

李賀

黑雲壓城城欲摧甲光向日金鱗開角聲滿天秋色裏塞
上燕支疑夜紫半卷紅旗臨易水霜重鼓寒聲不起報君
黃金臺上意提携玉環一作擊爲君死

將軍行

劉希夷

將軍闢轅門耿介當風立諸將欲言事逡巡不敢入劍氣
射雲天鼓聲破原隰黃塵塞路起走馬追兵急彎弓從此
去飛箭如雨集突圍一作里一百重一作斬首五千級代馬流血
死胡人抱鞍泣古來養甲兵有事常討襲乘我廟堂運坐
使干戈戢馘凱帝來勞一作歸京都軍容何翕習

戰城南四首

吳均

蹀躞青驪馬往戰城南畿五歷魚麗陳三入九重圍名習
武安將血坐秦王衣為君意氣重無功終不歸

二

吳均

前有濁酒罇憂思亂紛紛少年重意氣學劍不學文忽值

胡關靜匈奴遂兩分天山已半出龍城無片雲漢世平如
此何用李將軍

三

陌上何喧喧匈奴圍塞垣黑雲藏趙樹黃塵埋隴根天子
羽書勞將軍在玉門

四 此第四首而五卷有之題
作古意今存于後而削此

同前

張正見

薊北馳胡騎城南接短兵雲起一作也兩陣合劍聚七星橫
一作旗交無後影角憤有餘聲戰罷披軍策還嗟李少卿

同前

楊炯

塞北途遼遠城南戰苦辛幡旗如鳥翼甲冑似魚鱗凍水

寒傷馬悲風愁殺人寸心明白日千里暗黃塵

同前

盧照隣

將軍出紫塞冒頓在烏貪茄喧鴈門北陣翼龍城南瑯弓
夜宛轉鉄騎曉參潭應須駐白日為戰待方酣

同前

李白

去年戰桑乾原一作源今年戰葱河道洗兵條支海上波放

馬天山雪中草萬里長征戰三軍盡衰老匈奴以殺戮為

耕作古來唯見白骨黃沙田秦家築城備胡虜漢家還一作

猶有烽火燃烽火燃不息長征一作征無已時野戰格鬪死

敗一作馬嘶號一作鳴向天悲鳥為啄人腸街飛上挂枯樹

枝士卒塗草莽將軍空爾為乃知兵者是凶器聖君一作人

不得已而用之

同前

戰地何昏昏戰士如群蟻氣重日輪紅血染蓬蒿紫烏烏
銜人肉食悶飛不起昨日城上人今日城下鬼旗色如羅

星輦聲殊未已妾家夫與兒俱在輦聲裏

同前

劉駕

城南征戰多城北無饑鷓白骨馬蹄下誰言皆有家城前
水聲苦倏忽流萬古莫爭城外地城裏終一作有閑土

胡無人行

吳筠

劍頭利如芒恒持一作時照眼光鐵騎追驍虜金羈討黠羗
高秋八九月胡地早風霜男兒不惜死破膽與君嘗

同前

十月繁霜下征人遠鑿空雲造一作錦更節海照角端弓
暗磧埋沙樹衝飈卷塞蓬方隨暝拜入歌舞玉門中

同前

李白

嚴風吹霜海草凋筋幹精堅胡馬驕漢家戰士三十萬將
軍誰是霍嫖姚流星白羽腰間插劍花秋蓮光出匣天兵
照雪下玉關虜箭如沙射金甲雲龍風虎晝一作交迴太
白入月敵可摧敵可摧旄頭滅覆胡之腸涉胡血懸胡清
天上埋胡紫塞傍胡無人漢道昌陛下之壽三千霜但歌
大風雲飛揚安用猛士兮一無守四方胡無人漢道昌無
此六

同前

十萬羽林兒臨洮破郅支殺添胡地骨降足漢營旗塞闊
牛羊散兵休帳幕移空餘隴頭水嗚咽向人悲

文苑英華卷第一百九十六

文苑英華卷第一百九十七

詩四十七

樂府六

塞上十七首

塞下十八首

出塞二十八首

塞外一首

入塞二首

塞上曲二首

紅顏歲歲老金微沙磧年年卧鉄衣白草城中春不入黃
花戍上鴈長飛

二

孤城夕對戍樓閑迴合青宜萬仞山明鏡不須生白髮風
沙自解老紅顏

同前二首 一作塞下曲

李白

五月天山雪無花祇有寒笛中聞折柳春色未會看曉戰
隨金鼓宵眠抱玉鞍願將腰下劔直為斬樓蘭

二

烽火動沙漠連照甘泉雲漢皇按劔起還召李將軍兵一
殺氣天上合威聲隴底聞橫行負勇氣一戰靜妖氛

同前二首

王昌齡

秦時明月漢時關萬里長征人未還但使龍城飛將在不
教胡馬渡陰山

二

騶馬新跨白玉鞍戰罷沙場月色寒城頭鉄鼓聲猶振匣

裏金刀血未乾

同前

薛竒童

驕虜初南下烟塵暗國中獨召李將軍夜開甘泉宮一身
許明主萬里揔元戎霜中卧不煖半夜聞邊風明天早飛
雪荒徼多轉蓬濕雲覆水重秋氣連海空金鞍誰家子上
馬鳴角弓自是幽并客非論愛立功

同前

高適

東出盧龍塞集作浩然客思孤亭候列萬里漢兵猶備胡

邊塵漲一作北溟虜騎一作正南驅轉鬪豈長策和親非

遠圖惟昔李將軍按節出皇一作都揔戎掃大漠一戰擒

單于常懷感激心願效縱橫謨倚劔欲誰語關山集作空

鬱紆

同前 地遠仍親

耿緯

慣習干戈事鞍馬初從小在邊城身微久屬千夫長地
遠仍親五郡兄懶說疆場曾大獲且悲年鬢老長征塞鴻
過盡殘陽裏樓上淒淒暮角聲

同前

司空曙

寒柳接胡桑軍門向大荒幕營隨日魄兵氣長星芒橫吹
催春酒重裘隔夜霜冰開不防虜青草滿遼陽

同前

戎昱

慘慘寒日沒北風卷蓬根將軍領疲兵却入古塞門迴首
指陰山殺氣成黃雲

二

樓上畫角哀即知兵心苦試問左右人無言淚如雨何意
休明時終年事鼙鼓

集本有戎星塞上曲二首題目同而詩異今附于此
其一漢將歸來虜塞空旌旗初入玉關東高蹄戰馬
三千疋落日平原秋草中其一胡風掠地遶連山葉
落孤城未下關山頭烽子齊聲叫知是將軍夜獵還

同前

杜荀鶴

旌旗獵獵漢將軍閑出巡邊帝命新沙塞旋收饒帳幕犬
戎時殺少煙塵冰河夜度一作渡偷來馬雪嶺晴分獵去人
獨作書生疑不穩軟弓輕劍也隨身

同前

張蠙

邊事多更變天心亦為憂胡兵來作寇漢將也封侯夜燒
衝星赤塞塵翳日愁無門展微略空上望西樓

同前

王貞白

歲歲但防虜西征早晚休匈奴不繫頸漢將但封侯夕照
低烽火寒笳咽戍樓燕然山上字男兒見見須羞

同前

裴說

極目望空闊馬羸程又賒月生方見樹風定始無沙楚水
辭魚窟燕山到鴈家如斯名利役爭不老天涯

同前

常建

翩翩雲中使來問太平卒百戰苦不歸刀頭怨明月寒雲

隨陣落寒日旁城沒城下有寡妻哀聲哭枯骨

塞下曲

李白

塞虜乘秋下天兵出漢家將軍分虎竹戰士泣一作龍沙
邊月隨弓影胡霜拂劍花玉關殊未入少婦莫長嗟

同前三首

王昌齡

邊城一作頭何慘慘已墜霍將軍士卒皆來弔燕南代北聞

功門一作勳多被黜兵馬亦尋分更遣黃龍戍唯當哭塞雲

二

蟬鳴空桑麻八月蕭關道出塞入塞雲處處黃蘆草從來
幽并客皆共塵沙老莫作遊俠人矜誇紫騮好

三

奉詔甘泉宮摠徵天下兵朝廷備禮出郡國豫郊迎紛紛
幾萬人去者無全生臣願節宮廐分以賜邊城

同前

陶翰

文粹作王季友

進軍飛狐北窮寇兵勢變日落沙塵昏背河更一戰駿一作

駢馬黃金勒琱弓白羽箭射殺左賢王歸奏未央殿欲言

塞下事天子不召見東出咸陽門哀淚如霰線一作哀哀淚如霰

同前

高適

結束浮雲駿翩翩出從戎且憑天子怒復倚將軍雄萬鼓
雷殷地千旗火生風日輪駐霜戈月魄勒琱弓青海陣雲
匝黑山兵氣中萬里不惜死一陣得成功畫圖麒麟閣入
朝明光宮大笑向文士一經何足窮古人昧此道徃徃成

老翁

二

君不見芳樹枝春花落盡蜂不窺君不見梁上泥秋風始
高燕不棲蕩子從軍事征戰蛾眉嬋娟守空閨獨宿自然
堪下淚况復時聞鳥夜啼

同前

郭士元

寶刀塞上兒身經百戰曾百勝壯心竟來嫖姚知白草山
頭日初沒黃沙戍下悲歌發一作城下蕭條夜靜邊風吹

獨倚營門望秋月

同前

李益

蕃門一作州部落能結束朝馳暮獵南河曲一作朝暮馳燕

獵黃河曲進郎

聲一斷塞鴻飛牧馬群嘶邊草綠秦築長城城已摧漢武
比上單于臺古來征戰虜不盡今日還復天兵來黃河東
流流九折沙場埋恨何時絕蔡琰沒去造胡笳蘇武歸來
持漢節爲報如今都護雄匈奴且莫下雲中請書塞北陰
山石願比燕然車騎功

同前

張籍

秋塞雪初下將軍遠出師分營長記火放馬不收旗月冷
邊帳濕沙昏夜探遲征人皆白首誰見滅胡時

同前

李賀

胡角引北風薊門白於水天含青海道城頭見一作月千里
露下旗濛濛寒金鳴夜刻蕃甲鎖空蛇鱗馬嘶青塚白秋

靜見旄頭沙遠席羈愁帳北天應盡黃河

一作河聲出塞流

同前

姚合

磧露黃雲下凝寒鼓不鳴戰須移死地軍諱殺降兵邛馬
秋遮虜蒸沙夜築城舊鄉歸不得都尉負功名

同前

馬戴

旌旗倒北風霜霰逐南鴻夜救龍城急朝焚虜帳空骨銷
金鏃在髮改玉關中却想羲軒代無人尚戰功

二

廣漠雲凝慘日斜飛霰生燒山搜猛獸伏道擊迴兵風折
旗竿曲沙埋樹杪平雲飛日一夕

集作黃雲
飛旦夕

偏奏苦寒聲

同前

張喬

勒兵遼水邊風急捲旌先絕塞陰無草平沙去盡天下營
看斗建傳號信狼煙聖代垂青史當書破虜年

同前

張祐

萬里配長征連年慣野營入群來揀馬拋伴去擒生箭插
雕翎闊弓盤鵠角輕問看行近遠西去受降城

同前

陳陶

邊頭能走馬猿臂李將軍射虎群胡伏開弓絕塞聞海山
諸向背攻守別風雲只為坑降罪輕車未轉勳

二

望胡關下戰雜虜喪全師鳥啄豺狼將沙埋日月旗牛羊
赤狄部落散燕耆都護凌晨出銘功痊死屍

出塞

劉孝標

薊門秋氣清飛將出長城絕漠衝風急交河夜月明陷敵
撻金鼓摧鋒揚旆旌去去無終極日暮動邊聲

同前

王褒

飛蓬似征客千里自長驅塞禽唯有鴈關樹但生榆背山
看故壘繫馬識餘蒲

始皇繫蒲繫馬在淄州各蒲臺

還因麾下騎來送月

支圖

同前

竇威

匈奴屢不平漢將欲縱橫看雲方結陣却月始連營潛軍
渡馬邑楊旆掩龍城會勒燕然石方傳車騎名

同前二首

楊素

文苑英華 卷一百一十五
七
漠南胡未空漢將復臨戎飛狐出塞北碣石指遼東冠軍
臨瀚海長平翼大風橫虎落陣氣抱龍繞城虹橫行萬里
外胡運百年窮兵寢星芒落戰解月輪空巖錐息夜斗駢
角罷鳴弓北風嘶朔馬胡霜切塞鴻休明大道暨幽荒日
用同方就長安邸來謁建章宮

二

漢虜未和親憂國不憂身握手河梁上窮涯北海濱據鞍
獨懷古忼慨感良臣歷覽多舊迹風日慘愁人荒塞窮千
里孤城絕四隣樹寒偏易古草衰恒不春交河明月夜陰
山苦霧辰鴈飛南入漢水流西咽秦風霜久行役河朔備
艱辛薄暮邊聲起空飛胡騎塵

同前二首

薛道衡

高秋白露團上將出長安塵沙塞下暗風月隴頭寒轉蓬
隨馬足飛霜落劍端凝雲迷代郡流水凍桑乾烽微桔槔
遠橋峻轆轤難從軍多惡少召募盡材官伏波一作堤時卧
鼓疑兵乍解鞍龍一作柳城擒冒頓長坂納呼韓受降今更
築燕然已重刊還嗤傳介子辛苦刺樓蘭

二

邊庭烽火警插羽夜徵兵少昊騰金氣文昌動將星長驅
鞬汗北直指夫人城絕漠三秋暮窮陰萬里生寒夜哀笳
曲霜天斷鴈聲旌旗連下鹿一作連壘鼓回龍庭妖雲墜虜陣暈
月遶胡營左賢皆頓顙單于已繫纓綫馬登玄闕鉤鯤臨

北涼當知霍驃騎高第起西京

同前二首 和楊素

虞世基

窮秋塞草腓塞外胡塵飛徵兵廣武至候騎陰山歸廟堂
千里策將軍百戰威轅門臨玉帳大旆指金徽摧朽無勅
敵應變有先機銜枚壓曉陣卷甲解朝圍瀚海波濶靜王
庭氛霧晞鼓鞀嚴朔氣原野噎寒暉勲庸震邊塞歌吹入
京畿待拜長安坂鳴騶入禮闈

二

上將三畧遠元戎九命尊緬懷古人節思酬明主恩山西
多虜氣塞北有遊魂楊抱度隴坡勒騎上平原誓將絕沙
漠悠然去玉門輕齎不遑舍驚策驚戎軒凜凜邊風急蕭

蕭征馬煩雪暗天山道冰塞交河源霧烽黯無色霜旗凍
不翻耿介倚長劔日落風塵昏

同前

楊炯

塞外欲紛紛雌雄猶未分明堂占氣色華蓋辨星文二月
河魁將三千太一軍丈夫皆有志會是立功勲

同前

張柬之

俠客重恩光駘馬飾金裝暫聞傳羽檄馳突救邊荒欵野
山川動囂天旌旆揚吳鉤明似月楚劔利如霜電斷衝胡
塞風飛出洛陽轉戰磨笄俗橫行載一作戴斗鄉手擒郅支

長面縛谷蠡王將軍占太白少婦怨流黃驪裊青絲騎娉
婷紅粉粧三春鶯度曲八月鴈成行誰堪坐愁思羅袂拂

空床

同前

喬備

沙場三萬里猛將五千兵
旌斷冰溪戍笳吹鉄關城
陰雲暮下雪寒日晝無晶
直為懷恩苦誰知邊塞情

同前

王之真

黃沙直上白雲間一片孤城
萬仞山羌笛何須怨楊柳
春光不度玉門關

同前

王維

居延門外獵天驕白草連
山野火燒暮雲空磧時駐
馬秋日平原好射鵬護羌
校尉朝乘障破虜將軍夜
渡遼玉記角弓珠勒馬漢
家將賜霍嫖姚駐驛

同前五首

杜甫

戚戚去故里悠悠赴交河
公行有程期亡命嬰裊羅
君已富土境開邊一何多
棄絕父母恩吞聲行負戈

二

出門日已遠不受徒旅欺
骨肉恩豈斷男兒死無時
走馬脫轡頭手中挑青絲
捷下萬仞岡俯身試舉旗

三

迢迢萬餘里領我赴三軍
軍中異苦樂主將寧盡聞
隔河見胡騎倏忽數百群
我始為奴僕幾時樹功勳

四

挽弓當挽強用箭當用長
射人先射馬擒寇先擒王
殺人

亦有限列國自有疆苟能制侵凌豈在多殺傷

五

從軍十年餘能無分寸功衆人貴苟得欲語羞雷同中原
有爭鬪况在狄與戎丈夫四方志安可辭固窮

同前三首

一作後出塞

前人

男兒生世間及壯當封侯戰伐有功業焉能守舊丘召募
赴薊門軍動不可留千金買馬鞭一作百金裝刀頭閭里

送我行親戚擁道周班白居易上列酒酣進庶羞少年別有

贈含笑看吳鉤

二

古人重守邊今人重高勳豈知英雄主出師亘一作直長雲

六合已有家四夷且孤軍遂使貔虎一作武士奮身勇所聞

拔劍擊大荒日暮收胡群誓開玄冥北持以奉吾君

二

獻凱日繼踵兩蕃靜無虞漁陽豪俠地擊鼓呼笙竽雲帆
轉遼海粳稻來東吳越羅與楚練照耀輿臺軀主將位益
崇氣驕凌上都邊人不敢議議者死路衢

同前

于鵠

行人朝走馬直走薊城傍薊城通漢北萬里別吳鄉海上
一烽火沙中百戰場軍書發上郡春色度河陽裊裊漢宮
柳青青胡地桑琵琶出塞曲橫笛斷君腸

同前三首

于鵠

微雲將出軍一作微雪吹笳天未明觀兵登古戍斬將對

雙旌分陣瞻山勢潛軍制馬鳴如今新史上已有滅胡名

二

葱嶺秋塵起全一作收軍取月支山川引行陣蕃漢列旌旗

轉戰疲兵少孤城外救遲邊人聖明代不見偃戈時

三

單于驕愛獵放火到軍城乘一作待月調新馬一作弩防秋置

遠營空山朱戟影寒磧鉄衣聲逢着降胡說沙陰有伏兵

同前

劉灣文釋作劉濟

將軍在重圍音信絕不通羽書如星流飛入甘泉宮倚是

并州兒少年心膽雄一朝隨召募百戰爭王公去年桑乾

北今年桑乾東死是征人死功是將軍功汗馬牧秋月度

人卧霜風仍聞左賢王更欲圍一作圖雲中

同前

劉駕

胡風不開花四氣多作雪北人尚凍死况我本南越古來

犬羊地巡狩無遺轍九土耕不盡武皇猶戰一作征伐中天

有高閣圖畫何時歇坐恐塞上山低於沙上一作中骨

塞上

鄭惜

荒壘三軍夕窮郊萬里平海陰凝獨樹月氣下連營戎旆

霜凝重邊裘寒更輕將軍猶轉戰都尉不成名折柳悲春

曲吹葭斷夜聲明年漢使返猶築受降城

入塞

王褒

戍久風塵色動多意氣豪建章樓闕迥一作近長安陵樹

高度冰傷馬骨經寒墜節毛行當見天子何假用錢刀

同前 王貞白

玉殿論兵事君王詔出征新除羽林將曾破月支兵慣歷
塞垣險能分部落情從今一戰勝不使虜塵生

文苑英華卷第一百九十七

文苑英華卷第一百九十八 詩四十八首

樂府七

度關山七首 關山曲二首

關山月十七首 隴頭水十四首

隴頭吟三首 隴西行八首

出自薊北門行六首 擬塞外征行一首

苦戰行一首

度關山 梁簡文帝

關山遠可度遠度復難思直指遮歸道都護總前期力農
爭地利轉戰逐天時材官蹶張皆命中弘農越騎盡搴旗
搴旗遠不息驅虜何窮極狼君一封難再覩閼氏未去無

容色銳氣且橫行朱旗亂日精先屠光祿塞却破夫人城
凱歌歸舊還今日是功名一作凱歌還舊里非是銜功名

同前

劉尊

隴頭一作樹寒色落寒雲朝欲開谷深輦易響路狹幘難廻

當知結綬去非是棄繻來行人思顧返道別且徘徊願度

關山鶴勞歌立可哀

同前

王訓

邊庭多警急羽檄未曾閑從軍出隴坂驕一作驅馬度關山

關山恒掩靄一作掩害高峯白雲外遙望秦川中一作水千里長

如帶好勇自秦中意氣本一作多英雄少年便習戰十四已

從戎昔年從一作經上郡今歲出雲中遼水深難渡榆關斷

未通折衝陵絕域流蓬驚未息胡風朝夜起平沙不相識

兵法貴先聲軍中自有程逗留皆一作難贖罪先登盡一城

都護疲詔吏將軍擅發兵平虜疑縱火飛鴟畏犯營輜重

一為鹵金刀何用盟誰人知出外一作誰知獨有漢飛名

同前

關山度曉月劍客還一作遠從征雲中出廻陣天外落奇兵

輪摧偃去節樹倒礙懸旌沙場折一作揚坂暗雲積榆溪明

馬倦時銜草人疲屢看城寒一作塞隴胡笳溢空一作寒林漢

鼓鳴還嗟幽一作聽咽水併切斷腸聲

同前

戴嵩

昔聽隴頭吟平居已流涕今上關山望長安樹如薺千里

非鄉邑四海

一作百姓為

皆兄弟軍中大體共

一作自

相褒其間

得意各為曹博陵輕俠皆無為幽州重氣本多豪馬肥

首宿葉劍瑩礪鷓膏初征心未息復值鴈飛入山頭看

月高

一作近

草上知風急笛揭

一作礪

曲難成笳繁響還澁武

帝信

一作初

承平東伐復南

一作西

征薊門海作塹榆塞冰為

城催令四校出倚望三邊平箭箠朝來動刀環臨陣鳴將

軍一百戰都尉

一作護

五千兵且決雌雄眼前利誰道功名

身後事丈夫意氣本自然來時辭第已聞天但今此心此

命在不交

一作持

烽火照甘泉

同前

李端

鴈塞日初晴飛狐

一作胡又作狐

關雪復

一作雪覆

平危關

一作樓

又作竿緣

廣漢古竇傍長城插

一作拔又作拂

劍金星出翻弓玉羽輕

一作寧孤

玉羽鳴

誰云

一作知

係虜者賈誼是書生

同前

王貞白

只領千餘騎長驅磧邑間雲州多警急雪夜度關山石響

鈴聲遠天寒弓力慳秦樓休悵望不日凱歌還

關山曲二首

馬戴

金鎖耀光鑿黃雲拂紫騮叛羗旗下戮陷壁夜中收霜霰

戎衣月關河磧氣秋箭瘡殊未合更遣在

一作擊

蘭州

二

火發龍山北中宵易左賢勒兵臨漢水驚鴈散胡天水落
防河急軍孤受敵偏猶聞漢皇怒按劍待開邊

關山月

梁元帝

朝望青

一作清

波道夜上白登臺月中有

一作合

桂樹流景

一作

影自徘徊寒沙逐風起春花向

一作犯

雪開夜長無與晤衣

單誰為裁

同前

梁陸瓊

邊城與明月俱在關山頭焚烽望別壘擊斗宿危樓團團
婕妤扇織織秦女鈎鄉園誰共此愁人屢益愁

同前

張正見

巖開度月華流彩映山斜暈逐連城壁輪隨出塞車唐冀
遙合影秦桂遠分花欲驗盈虛駛

一作理

方知道路賒

同前二首

徐陵

關山三五月客子憶秦川思婦高樓上當窓應未眠星旗
映疎勒雲陣上初連戰氣今如此從軍復幾年

二

月出柳成東微雲掩復通蒼茫縈白暈蕭瑟帶長風羗兵
燒上郡胡騎獵雲中將軍擁節起戰士夜鳴弓

同前

賀力牧

重關歛暮煙明月下秋前照石疑分鏡臨弓似共

一作引

弦

雲

一作霧

暗迷旗影霜濃濕劔蓮此處離鄉客遙心萬里懸

同前

阮卓

關山陵漢開霜月正

一作自

徘徊映林如壁碎侵塞似輪摧

楚師隨晦進胡兵逐煖來寒笳將夜鵲相亂晚聲哀

同前

王褒

關山夜月明

一作今夜月

愁

一作秋

色照孤

一作關

城半形

一作影

同

漢陣全影

一作輪蒲

逐胡兵灰

一作天

寒光轉白風多暈欲生寄

言亭上吏遊客解雞鳴

此詩一百五十卷重出今削去

同前

盧照陵

塞垣通碣石虜陣

一作障

抵邗連相思在萬里明月不長

一作

正懸影移金岫北光斷玉門前寄言閨

一作書謝

中婦愁

一作時

看鴻鴈天

同前

崔融

月出

一作生

西海上氣逐邊風壯萬里照

一作度

關山蒼茫非

一狀漢兵開郡國胡馬窺亭障夜夜聞悲笳征人起南望

同前

李白

明月出天山蒼茫雲海間長風幾萬里吹度玉門關漢下

白登道胡窺青海灣由來征戰地不見有人還戍客望邊

色

一作色

思歸多苦顏高樓當此夜歡息未應閑

同前

釋皎然

家家望秋月不及秋山望山心萬境長寂寞夜夜孤明我

山上海人皆在

疑

生海東山人自謂出山中憂歡虞樂皆

占月月本無心同不同自從有月山不改古人望盡今人

在不知萬世今夜時孤月將誰更相待

同前

司空曙

見集本

蒼茫明月上夜久光如積野幕冷胡霜關樓宿邊客隴頭
秋露暗積外寒沙白唯有故鄉人露裳此聞笛

同前

李端

露濕月蒼蒼關頭榆葉黃迴輪照海遠分彩上樓長水凍
頻移幕兵疲數望鄉只應城影外萬里共胡霜

同前

女郎鮑君微

高高秋月明北照遼陽城塞迥光初滿風多暈更生征人
望鄉思戰馬聞聲驚朔風悲邊草胡沙昏虜營霜凝匣中
劍風憊原上旌早晚謁金闕不聞刀斗聲

同前

陳陶

昔年嫖姚護羗月今照嫖姚雙鬢雪青塚曾無尺寸歸錦

書多一作曾

寄窮荒骨百戰金瘡體沙磧鄉心一片懸秋碧

漢城應期一作漢帝

破鏡時胡塵萬里嬋娟隔度磧衝雲朔

風起邊笳欲晚生青珥隴上橫吹霜色刀

一作色如刀

何年斷

得匈奴臂

此詩一百五十二卷重出今已削去注異同為一作

隴頭水

梁元帝

銜悲別隴頭關路漫悠悠故鄉迷遠近征人分去留沙飛
晚成幕海氣夜一作旦如樓欲識秦川處隴水向東流

同前

劉孝威

從軍戍隴頭隴水帶沙流時觀胡騎飲常為漢國羞釁妻
成兩劍教子犯雙鈎將頓樓蘭膝一作頓取就解卸支裘

勿令如李牧功名遂不酬一作勿令如李廣功遂不封侯

同前

顧野王

隴頭望秦川迢迢隔風煙蕭條落野樹幽咽響流泉瀚海波將息交河水未堅寧知蓋山水逐節赴危絃

同前

謝燮

隴坂望咸陽征人慘思腸咽流喧斷岸遊沫聚飛梁鳧分歛水彩虹飲昭旗光試聽饒歌曲唯吟君馬黃

同前二首

張正見

隴頭鳴四注征人逐二師羌笛合一作合流咽胡笳雜水悲湍高飛轉駛澗淺蕩還遲前旗去不見上路杳無期

二

隴頭流水急流急行難度遠入隗囂營傍侵酒泉路心交賜寶刀小婦成紉袴欲知別家久戎衣今已故

同前

徐陵

別途聳千仞離川懸百丈攢荆夏一作下不通積雪冬一作終難上枝交隴底暗石礙波前響迴首咸陽中唯言往時夢

同前二首

江總

隴頭萬里外天崖四面絕人將蓬共轉水與啼俱咽驚湍自湧沸古樹多摧折傳聞傳望侯辛苦持一作題漢節

二

霧暗川中日風驚隴上秋徒傷幽咽響不見東西流無期從此別更度幾年幽遙聞玉關道望人杳悠悠

同前

車敔

隴頭征人別隴水流聲咽只為識君恩甘心從苦節雪凍
弓絃斷風鼓旗竿折獨有孤雄劍龍泉字不滅

同前

盧照隣

隴坂高無極征人望故一作望鄉關河別去水沙塞斷歸腸
馬繫千年樹旗懸九月霜從來苦一作共嗚咽皆是為勤王

同前

楊師道

隴頭秋月明隴水帶關城笳添離別曲風送斷腸聲映雪
峯猶暗乘冰馬屢驚霧中寒鴈至沙上轉蓬輕天山傳羽
檄漢地急徵兵陣開都護道劍聚伏波營於茲覺無度方
共濯胡纓

同前

沈佺期

隴山風落葉隴鴈淚寒天君見三秋水分為兩地泉西流
入羗郡東下向秦川征客方回首肝腸空自憐

同前

員半千

路出金河道山連玉塞門旌旗雲裏度楊柳曲中喧蹀血
多壯膽衰草疑作衰草無怯魂嚴霜斂曙色大明辭朝嗽塵銷
營卒壘沙靜都尉垣霧卷白山出風吹黃葉翻將軍獻凱
入萬里絕河源

隴頭吟

王維

長城少年遊俠客夜上戍樓看太白隴頭明月迴臨關隴
上行人夜吹笛關西老將不勝愁駐馬聽之雙淚流身經

大小百餘戰麾下偏裨萬戶侯蘇武纔爲典屬國節旄空
盡一作零落海西一作南頭

同前二首

釋皎然

隴西心欲絕隴水不堪聞碎影搖槍壘寒聲咽慢軍素從
鹽海積綠帶柳城分日落天邊望逶迤入塞雲

二

秦隴逼氐羗征人去未央如何幽咽水併欲斷君腸西注
悲窮漠東分憶故鄉旅魂聲攪亂無夢到咸陽一作遼

隴西行三首

梁簡文帝

隴西四戰地羽檄歲時聞護羗擁漢節校尉立功勲石門
留鐵騎冰城息一作悉夜軍洗兵逢驟雨送陣出黃雲沙長

無止泊水脉屢縈分當思勒漢鼎

作勒鼎無用想羅

裙

二

悠悠懸旆旌如何隴西行城窰驅前馬街枚進後軍一作兵

沙飛朝似暮一作幕雲起夜疑明一作城迴山時阻路絕水亟

一作極稽程往年到支服今歲單于平方歡凱樂盛飛蓋蒲

西京

三

仲一作邊秋胡馬肥雲一作雪中驚寇入勇氣特一作時無侶輕

兵救邊急沙平不見虜嶂轉一作險還相及出塞豈成歌經

川未遑汲烏孫塗更阻康居路猶溢月暈抱龍城星眉照

馬邑長安路遠書不還寧知征人獨

一作空

佇立

同前

庾肩吾

借問隴西行何當驅馬征草合迷前路雲濃暗後城寄語
幽閨妾羅袖勿空縈

同前四首

陳陶

漢主東封報太平無人金闕議邊兵縱饒奪得林胡塞磧
地桑麻種不生

一

誓掃匈奴不顧身五千貂錦喪胡塵可憐無定河邊骨猶
是春閨夢裏人

三

隴戍三看塞草青樓煩新替護羗兵同來死者傷離別一
夜孤魂哭舊營

四

點虜生擒未有涯黑山營陣識龍蛇自從貴主和親後一
半胡風似漢家

出自薊北門行

徐陵

薊北聊長望黃昏心獨愁燕然

一作山

對古剎代郡隱

一作倚

城樓屢戰橋恒斷長冰塹不流天雲如地陣漢月帶胡秋

乞

一作請一作漬

土泥函谷接繩縛涼州平生燕領相會自去

一作

得封侯

同前

庾信

虜陣橫北荒胡星耀精芒羽書速驚電烽火盡連光虎竹

投一作邊急戎車森已行明主不安席按劍心飛揚推轂

出猛將連旗登戰場兵威衝絕漠殺氣凌穹蒼列卒一作

赤山下開營紫塞傍孟冬風沙緊旌旃一作旌作旆颯凋傷盡

角悲海月征衣卷天霜揮刃斬樓蘭彎弓射賢王單于未

一作平蕩種落已奔亡收功報天子歌舞歸咸陽

同前

李希仲

旄頭有精芒胡騎獵秋草羽檄南渡河邊庭用兵早漢家

愛征戰宿將今已老辛苦羽林兒從戎榆關道一身救邊

庭一作烽火連薊門前軍鳥道斷一作飛斷格鬪塵沙昏寒日

鼓聲急單于夜將奔當須徇忠義身死報國恩

同前

曹鄴

長河凍如石征人夜中戍但恐筋力盡敢憚將軍遇古來

死未歇白骨碍官路豈無一有功可以高其墓親戚牽衣

泣悲號自相顧死者雖無言那堪生者悟不如無手足得

見齒髮暮乃知七尺軀却是速死具

同前

王貞白

薊北連極塞塞色晝冥冥戰地骸骨滿長時風雨腥沙河

留一作不定春草凍難青萬戶封侯者何謀靜虜庭

擬塞外征行

寇騎蒲雞田都護欲臨邊青泥方絕漠懷劍始辭燕旌旗

挂龍虎壯士募鷹鷂長城威十萬高嶺奮三千行行向馬

文苑英華卷一百九十九
邑去去指祁連鼓聲遙赤塞兵氣遠衝天對陣雲初上臨
城月始懸風驚烽易滅沙暗馬難前恩重恒思報勞心疑
勞心疑屢損年微功一可立身輕不自憐

苦戰行

杜甫

苦戰身死馬將軍自云伏波之子孫干戈未定失壯士使
我歎恨傷精魂去年南行一作江南討狂賊臨江把臂難再得
別時孤雲今不飛時獨看雲淚橫臆

文苑英華卷第一百九十八

文苑英華卷第一百九十九

詩四十九

樂府八

從軍行四十三首

古悔從軍行一首

從軍有苦樂行一首

軍中行一首

從軍行二首

梁簡文帝

雲中亭嶂

一作障

羽檄驚甘泉烽火夜深

一作通夜

明二師將軍

新築營嫖姚校尉初出征復有山西將絕世受

一作愛

雄名

三門應遁甲五壘學神兵白雲隨陣

一作旆

色蒼山答鼓聲

先平小月障却滅大宛城善馬還長樂黃金付水衡小婦

趙人能鼓瑟侍婢初笄解鄭聲迤邐觀鵝翼參差覩鴈行

庭前柳花

一作桃花又作柳絮

飛欲合必應紅粧起見

一作來起迎

貳師惜善馬樓蘭貪愛財前年平出一作右地今歲討輪臺
魚雲望旗聚龍沙隨陣開冰城朝浴鐵地道夜銜枚將軍
號令密天子璽書催何時反舊里遙見下機來

同前

梁元帝

寶劍飾龍烟長虹畫彩旃山虛和鏡管水靜馮樓船連雞
隨火度燧象帶烽然洞庭曉風急瀟湘夜月圓荀令多文
藻臨戎賦雅篇

同前

蕭子雲一作顯

左角名王侵漢邊輕薄家子一作良家惡少年縱橫向沮澤凌
厲取沙田黃塵不見景飛蓬恒蒲天邀功封浞野竊寵拜

一作

初連春風春月將進酒妖姬舞女亂君前

同前

劉孝儀

冠軍親俠射長平自解一作合園木落雕弓燥氣秋征馬肥
賢王皆屈膝幕府復申威何為從軍樂往還速如飛

同前

沈約

惜哉征夫子憂恨良獨多浮天出鯁海東馬渡交河雪縈
九折嶮風卷萬里波維舟無夕島秣驥乏年莎凌濤富驚
沫援木闕垂蘿江颺鳴疊嶼流雲照層阿玄埃晦朔馬白
日照吳戈寢興動征怨寤寐起還歌晨裝豈輟驚夕疊詎
淹和苦哉遠征人悲矣將如何

同前

戴嵩樂府作

長安夜刺閨夜警投刺於門下胡騎犯一作白銅鈇詔書發隴右召

募取關西劍懸三尺鞘鎧累七重犀督軍鳴戰鼓連夜數

更鞞侵星向柳塞際暗入榆溪秦涇含藥鴉晉火逐飛雞

逼泉開一作通地道望敵豎雲梯陰山日不暮一作著長城風

自淒弓寒折錦綬七入反字林云雜錦錦綬以被弓馬凍滑斜蹄燕旗竿

上脆羗吹一作笛管中嘶登山成一作試下趙憑軾且平齊當

令函谷上唯用一九泥

同前二首

張正見

胡兵屯薊北漢將起山西故人輕百戰聊欲定三齊風前

噴畫角雲上舞飛梯鴈塞秋聲遠龍沙雲路迷燕然自可

勒函谷詎須泥

二

將軍定朔邊刁斗出初連高柳橫絕塞長榆接遠天井泉

含凍碣烽火照山燃欲知客心斷危旌萬里懸

同前二首

王褒

兵書久閑習征戰數曾經講戎平樂觀學戲一作覽羽林亭

西征度踈勒東驅出井陘牧馬濱長渭營軍毒上涇平雲

如陣色半月類城形羽書封信璽詔使動流星對岸流沙

白綠河柳色青將幕恒臨斗旌門常背刑勲封瀚海石功

勒燕然銘兵勢因麾下軍圖送掖庭誰憐下玉筍向幕掩

金屏

二

黃河流水急，驄馬送征人。谷望河陽縣，橋渡小平津。惡少年一作多遊俠，結客好輕身。代風愁握馬，胡霜宜角筋。羽書勞警急，邊鞍倦苦辛。康居因漢使，盧龍有一作稱魏臣。荒戍唯看柳，邊城不識春。男兒重意氣，無爲羞賤貧。

同前

庾信

河圖論陣氣，金匱辨星文。地中聞鼓角，天上下將軍。函犀恒七屬，絡鐵本千群。飛梯聊度絳，合弩斲凌汾。寇陣先中斷，妖營即兩分。連烽對嶺度，嘶馬隔河聞。箭飛如疾雨，城崩似壞雲。英王於此戰，何用武安君。

同前

周趙王

遼東烽火照，甘泉薊北庭。障接燕然水，凍菖蒲未生。節關

塞榆莢

一作葉不成錢

同前

盧思道

朔方烽火照，甘泉長安飛。將出祁連羣，渠玉劔良家子。白

馬金羈

一作鞍

俠少年，平明偃月屯。右地薄暮魚麗逐，左賢

谷中石虎經，嚙箭山上金人曾。祭天天涯一去無窮已，薊

門迢遞三千里。朝見馬嶺黃沙合，夕望龍城陣雲起。庭中

竒樹已堪攀，塞外征人殊未還。白雪初下天山外，浮雲直

上一作向

五原關

一作間

關山萬里不可越，誰能坐對芳菲月。

流水本自斷人腸，堅冰舊來傷馬骨。邊庭節物與華異，冬

霰秋霜春不歇。長風蕭蕭度水來，歸鴈連連映天沒。從軍

行從軍萬里出，龍庭單于渭橋今已拜。將軍何處覓功名。

同前

明餘慶

三邊烽亂警十里且橫行風卷常山陣笳喧細柳營
花寒不落弓月曉逾明會取淮南地持一作作朔方城

同前三首

虞世南

塗山烽候警弭節度龍城冀馬樓蘭將燕犀上谷兵
劍寒花不落弓月曉逾明凜凜嚴霜節冰壯黃河絕蔽日卷征蓬
浮天散飛雪全兵值月蒲精騎乘膠折結髮早驅馳辛
苦事旌一作旄馬凍重關冷輪摧九折危獨有山西將年
年屬數奇

二

燿一作火發金微連營出武威孤城寒雪起絕陣虜塵飛

俠客吸龍劍惡少縵胡衣朝摩骨都壘夜解谷蠡圍蕭關
遠無極蒲海廣難依沙鎰離旌斷晴川候馬歸交河梁已
畢燕山旆欲飛一作方知萬里相侯服見一作光輝

同前

楊炯

烽火照西京心中自不平牙璋辭鳳闕鉄騎遶龍城雪暗
凋旗畫風多雜鼓聲寧為百夫長勝作一書生

同前

駱賓王

平生一顧重一作意氣溢三軍野日分戈影天星合劍文
弓弦抱漢月馬足踐胡塵不求生入塞唯留死報君

同前

西征軍
行遇風

崔融

北風卷塵沙左右不相識颯颯吹萬里昏昏同一色馬煩

莫敢進人怠未遑食草木春更悲天景晝相匿夙齡慕忠
勇雅尚存孤直覽史懷浸驕讀詩歎孔棘及茲戎旅地忝
從書記職兵氣騰百荒軍聲動四極坐覺威靈遠行看氛
侵息愚臣何以料倚馬申微力

同前

前人

穹廬雜種亂金方武將神兵下玉堂天子旌旗過細柳勾
奴運數盡枯楊關頭落月橫西夜塞下凝雲斷地荒漢漠
邊塵飛衆鳥昏昏朔氣聚群羊依稀蜀杖迷新竹髣髴胡
麻識故桑臨海舊來聞驃騎尋河本自有中郎坐看戰壁
爲平土近侍軍營作破羞

同前

喬知之

南庭結白露北風掃黃葉此時鳴鴈來驚鳴催思妾曲房
理針線平砧擣文練鴛綺裁易成龍鄉信難見窈窕九重
閨寂寞十年啼紗窓白雲宿羅幌月光棲雲月曉微微愁
思流黃機玉霜凍珠履金吹薄羅衣漢家已得地君去將
何事宛轉結蠶書寂寥無鴈使平生荷恩信本爲容華進
况復落紅顏蟬聲催綠鬢

同前

劉希夷

秋天風颯颯

一作秋風
來瑟瑟

群胡馬行疾嚴城晝不開伏兵暗

相失天子廟堂拜將軍凶門出紛紛

一作洛陽道

一作伊洛間

戎馬幾萬疋軍門壓黃河兵氣衝白日平生懷伏劔慷慨
即投筆南登漢月孤北走代一作燕雲密近取韓彭計早知

孫吳術丈夫清萬里誰能掃一室

同前

王寵

兒生三日掌上珠鸞領猿肱穠李膚十五學劍北擊胡羗
歌燕筑送城隅城隅路接伊川驛河陽渡頭邯鄲陌可憐
少年把手時黃鳥雙飛一作雙雙梨花白秦皇築城三千里西
自臨洮東遼水山邊疊疊一作壘黑雲飛海畔莓莓青草死
從來戰鬪不求勲殺身為君君不聞鳳凰樓上吹急管落
日徘徊腸先斷

同前

賀潮清

朔風乘月寇邊城軍書插羽刺一作鳴中京天子金壇拜飛
將單于玉塞振佳兵騎射先鳴推任俠龍韜決勝佇時英

聞有河書客惜惜理帷帟常山啓霸圖泥水先天策銜珠
浴鐵向桑乾疊旗膏劍指烏丸鳴雞已報關山曉來鴈遙
傳沙塞寒直為甘心從苦節隴頭流水長嗚咽邊樹蕭蕭
不覺春天山漠漠長飛雪魚麗陣接雲塞平鴈翼營通海
月明始看晉幕飛鷁入旋聞齊壘鳴鳥一作鳥聲自從一戍
燕支山春光幾度晉陽關金河未轉青絲騎玉筋應啼紅
粉顏鳴歸燕相續池邊芳未綠已見氛一作氣清細柳營莫
更春歌落梅曲烽沉龜城靜邊亭海晏山空肅已寧行望
鳳京旋凱捷重來麟閣畫丹青

同前

王維

吹角動行人喧喧行人起笳應一作悲馬嘶亂爭渡金河水

日暮沙漠垂力戰一作煙塵裏盡繫番王頸歸來報天子

同前

李昂

漢家未得燕支山征戍年年沙朔間塞下長駐流血馬雲

中恒聞

一作

玉門關陰山瀚海千萬里此日桑河凍流水

稽洛山邊胡騎來漁陽戍裏烽煙起長途羽檄何相望天

子按劍思北方羽林練士拭金甲將軍校戰出玉堂幽凌

異域風煙改亭嶂連連古今在夜聞鳴鴈南渡河曉望旌

旗北臨海塞沙飛浙瀝遙裔連窮蹟玄漠雲平初合陣西

山月出聞鳴鏑城南百戰多辛苦路傍死卧黃沙人戎衣

不脫隨霜雪汗馬趁輝長被鉄楊葉樓中不寄書蓮花劍

上空流血匈奴未滅不言家駐逐行行邊徼賒歸心海外

是明月別思天邊夢落花落花迴望何悠悠芳樹無來渡

隴頭春雲不變陽關雪桑葉先知胡地秋田疇不賣盧龍

策實憲思勒燕然石麾兵靜北垂日然交河涓欲令塞上

無干戚會待單于繫頸時

同前

崔國輔

塞北胡霜下營州索兵救夜間一作夜夜偷道行將軍馬亦瘦

刀光照塞月陣色明如畫傳聞賊蒲山已共前鋒鬪

同前

王昌齡

關城榆葉早踈黃日暮雲沙古戰場表請迴軍掩塵骨莫

教兵士哭龍荒

同前四首

劉長卿

迴看虜騎合城下漢兵稀白刃兩相向黃雲愁不飛手中
無尺鉄徒欲穿一作突長圍

二

草枯秋塞上望見漁陽郭胡馬嘶一聲漢兵淚雙落誰爲
吮癰者此事今人薄

三

目極鴈門道青青邊草春一身事征戰足馬同苦辛一作辛勤
末路成白首功歸天下人

四

黃沙一萬里白首無人憐報國劔已折歸鄉身幸全單于
古臺下邊色寒蒼然

同前三首

李約

看圖閑教陣畫地靜論邊烏壘天西戍鷹姿塞上川路長
唯筭月一作筭日書遠每題年無復生還望翻思未別前

二

柵壕一作高三面闢箭盡舉烽頻營柳和煙暮關榆帶雪春
邊城多老將磧路少歸人殺盡金一作點河卒年年添塞

塵

三

候火起雕與鵬同城塵沙擁戰聲遊軍藏漢幟降騎說蕃情
霜落潭沱一作泥池淺秋深太白明嫫姚方虎視不覺說一作請

添兵

同前

杜顏

秋草馬蹄輕角弓持弦急去為龍城候正值胡兵襲軍氣

橫大荒戰酣日將入長風金鼓動白露一作霧鉄衣濕四起

愁邊聲南轅時佇立斷蓬孤自轉寒鴈飛相及萬里雲沙

漲平川一作路平水霰蒞夜聞漢使歸獨向刁環泣

同前

盧綸

二十在邊城軍中得勇名卷旗爭一作敗馬占一作斷磧護

集作擁殘兵覆陣烏鳶起燒山草木鳴集作明塞閑思遠獵師

老厭分營雪嶺無人跡冰河足集作有鴈聲李陵其此沒凋

悵漢公卿

同前

釋皎然

候騎出紛紛元戎霍冠軍漢鞞秋砧地羗火晝燒雲一里

戍一作萬里戎城合三邊羽檄分烏孫驅不一作未盡肯顧遼陽

勲

同前三首

姚合

朝朝十指痛唯署點兵符貧賤依前在顛狂一半無身慙

山友棄膽賴酒杯扶誰道從軍樂春來鑷白鬚

二

每日尋兵籍經年集作時別酒徒眼疼長不校肺病且還無

僮僕驚衣窄親情覺語龕幾時得歸去依舊作山夫

三

濫得進士名才用苦不長性僻藝亦獨十年作詩引章六

義雖粗成名字猶未揚將軍俯招引遣脫儒衣裳常恐虛
受恩不慣一作能把刀鎗又無遠籌畧坐使虜滅亡昨來發
兵師各各赴戰場顧我同老弱不得隨戎行丈夫生世間
職分貴所當從軍不出門豈異病在牀誰不戀其家其家
無風霜鷹鵠念搏擊豈貴食蒲腸

同前

從軍集作從事

王貞白

從軍朔方久未省用干戈祗以恩信及自然戎虜和邊聲
動白草燒色入枯河每度因看獵令人勇氣多

古悔從軍行

前人

憶昔仗孤劍十年從軍威論兵親玉帳逐虜過金微隴水
秋先凍關雲漢一作寒不飛辛勤功業在麟閣志猶集作多遺

從軍有苦樂行

李益

勞者且莫一作勿

一作

歌我欲歌送

一作送君

觴行

一作從

軍有苦樂此

曲樂未央僕居在

一作本居又作本起

隴上隴水斷人腸東過秦宮

路宮路入咸陽時逢漢帝出諫獵至長楊詎馳遊俠窟非

結少年場一旦承嘉惠輕身一作命

重恩光秉筆參帷帟從

軍至朔方邊馬

一作地

多陰風草木自淒涼斷絕西海

一作海雲

去出沒胡沙長參差引鴈翼隱鱗騰軍裝劍文夜如水馬

汗涼

一作凍

成霜使

一作狹

氣五都少矜功六郡良山河起日

前睚眦死路傍北逐驅種一作儻

虜西臨復舊疆昔還賦餘

資今出乃羸糧一矢毀一作破夏服我弓不再張寄語丈夫

雄苦樂身自當

文苑英華卷第一百九十九

文苑英華卷第二百

詩五十

樂府九

行路難三十一首

蜀道難五首

行路難四首

吳筠

洞庭水上一株桐經霜觸浪困嚴風昔時抽心耀白日今
 旦卧死黃沙中洛陽名士見咨嗟一剪一刻作琵琶白壁
 規心學明月珊瑚映面作風花帝王見賞不見忘提携把
 握登建章掩抑摧藏張女彈慙慙促柱楚明光年年月月
 對君王一作子遙遙夜夜宿未央綵女宮娥一作未葉鳴簷
 爭見一作先拂拭爭光儀茱萸錦衣玉作匣安念昔日枯樹
 枝不學衡山南嶺桂至今千載猶未知 搃筆作

二

青瑣門外安石榴連枝接葉夾御溝金墉城裏一作合歡

樹垂條照彩拂鳳樓遊俠少年遊上路傾心顛倒相戀慕

摩頂至足買片言開胸瀝膽取一顧自言家在趙邯鄲翻

翻舌杪復劔端青驪白駁的盧馬金羈綠鞍紫絲鞚躡蹠

橫行不肯進夜夜汗血至長安長安城中諸賢一作臣爭

貴文士一作儒者席上珍復聞梁王好學問輕棄劍客如埃塵

吾丘壽王始得意司馬相如適被申大才大辯尚如此何

况我輩輕薄人

三

君不見西陵田縱橫十字成陌阡君不見東郊道荒涼

漫起寒煙盡是昔日帝王處歌姬舞女達天曙今日翩翩

一作翻妍少年子不知華盛落前去吐心吐意一作氣許他人今

且一作且迴惑生猶豫山中桂樹自有枝心中方寸自相知

何言歲月忽相一作若馳君之意念一作情意與我離還君玉蠹

一作玳瑁今雀釵不忍見此使一作便心危

四

君不見上林苑中客米羅霧縠象牙席盡是得意忘言者

探腸見膽無所惜白酒甜鹽其如乳綠觴皎鏡華如碧少

年持名不肯嘗安知白駒如過隙博山鑪中百和香鬱金

蘇合及都梁逶迤好氣佳容貌經過青瑣歷紫房已入中

山馮后帳復上皇帝班姬床班姬失寵顏不開奉帚供養

長信臺日暮耿耿不能寐秋風切切四面來玉階行路生
細草金爐香炭變成灰得意失意須臾頃非君方寸逆所
裁

同前

王筠

千門皆閉夜何央百憂俱集斷人腸探揣箱中取刀尺拂
拭機上斷流黃情人逐情雖可恨復畏道遠一作傷乏衣
裳已繩一璽催衣縷復搗百和裏衣香猶憶去時腰大小
不知今日身短長柄榴雙心共一株帕複兩邊作八撮襟
帶雖安不忍繫一作縫開孔裁穿猶未達曾前却月兩相連
本照君心不照天願君分明得此意勿復流蕩不如先含
悲含怨判不死封情忍思待明年

同前二首

費昶

君不見長安客舍門倡家小女名桃根貧窮夜紡無燈燭
何言一朝奉至尊至尊離宮百餘處千門萬戶不知曙唯
聞啞啞城上烏玉欄金井牽轆轤丹梁翠柱飛流蘇香薪
桂火炊雕胡當年翻覆無常定薄命爲女心已籠一作必
作何必籠

此篇英華作吳筠而二樂府別添第二首却以此篇
爲費昶今從之

二

君不見人生百年如流電心中埒堦君不見我昔初入椒
房時詎減班姬與飛燕朝踏一作金梯上鳳樓暮入一作

瓊鈎息鸞殿栢臺晝夜香錦帳自飄颺笙歌棗下曲一作滕上
吹琵琶陌上桑過叨一作蒙恩所賜餘光曲沾被既逢陰后
不自專復值程姬有所避黃河千年始一清微軀再逢未
無義一作議蛾眉偃月徒自妍賦粉施朱欲誰為不如天泉
淵一作鳥水中鳧一作鳥雙去雙歸長比翅

同前

盧照隣

君不見長安城北渭橋邊枯木橫槎卧古田昔日含紅復
含紫長時留霧亦留煙春景春風花似雪香車玉輦恒闐
咽若箇遊童一作人不兢攀若箇倡家不來折倡家寶珠蛟
龍帔公子銀鞍千萬騎黃鸞一一向花嬌一作黃鸞向青鳥一作
兩三將子戲千尺長條百尺枝月桂星一作丹榆相蔽

鸞珊瑚葉上鴛鴦鳥鳳凰巢裏鷓鴣兒巢傾枝折飛鳳一作
歸去條枯葉落任風一作狂風吹一朝顛顛一作零落無人問萬古
摧殘君詎知人生貴賤無終始倏忽須臾難久恃誰家能
駐西山日誰家能堰東流水漢家陵樹蒲秦川行來行去
盡哀憐自昔公卿二千石咸擬榮華一萬年不見朱唇將
玉一作白貌唯聞青一作素棘與黃泉金貂有時換美一作須換酒
龍闕下君不一作來白鶴山頭一作前我應去雲間海山一作
上邈難期赤心會合在何時但願堯年一百萬長作巢由
也不辭

同前一作從軍中
行路難二首

駱賓王

君不見封狐雄虺自成羣憑深負固結妖氛玉璽分兵徵
惡少金壇授律勸一作受律動將軍將軍擁旄宣廟畧戰士橫

戈行一作行靜夷落長驅一息背銅梁直指三危逾一作危登又作巴逾

劔閣閣道巖堯起一作迢迢上戍樓劍門遙裔俯靈立仰關九

折無平路江水雙源有急流征役無期返他鄉年歲一作歲華

晚杳杳丘陵出蒼蒼林薄遠途危紫蓋峯路澁青泥坂去

去指哀牢行行入不毛絕壁千重險連山四望高中外分

區寓夷夏殊風土交趾枕南荒昆彌臨北戶川原饒毒霧

谿谷多淫雨行潦四時流崩杳千歲古漂梗飛蓬不暫一作

自安捫蘿引葛度一作陟危巒昔時聞道從軍樂今日方知

行路難滄江綠水東流駛炎洲丹徼南中地南中南斗映

星河秦川一作關秦塞阻煙波三春邊地風光少五月瀘中

瘴癘多朝驅疲斥堠夕息倦誰何一作樵歌向月彎繁弱連星

轉太阿重義輕生懷一顧東伐西征凡幾度夜夜朝朝班

鬢新年年歲歲戎衣故灞城隅滇池水天涯望轉積地際

行無已徒覺炎涼節物非不知關山千萬里棄置多重陳

重陳多苦辛且悅清笳梅柳曲詎憶芳園桃李人絳節朱

旗一作紅分白羽丹心白刃酬明主但令一被一作枝君王知

誰憚三邊征戰苦行路難行路難岐路幾千端無復

歸雲馬短翰空餘望日想長安

二 同心常伯 軍中作

君不見王關塞色閭邊庭銅鞮雜虜寇長城天子按劔征

餘虜將軍受賑事橫行七德龍韜開玉帳千重一作龜壘

動一作龜壘金鉦陰山苦霧埋高壘交河孤月照連營連營

去去無窮極擁旆遙遙過絕國陣雲朝結晦天山寒沙夕

漲迷踈勒龍鱗水上開魚貫馬首山前振鵬一作翼長驅

萬里讐祁連分麾三令一作命武功宣百發鳥號遙碎柳七

尺龍文廻昭蓮春來秋去移灰瑄蘭閨柳市芳塵斷鴈門

迢遞尺書稀鴛鴦被相思雙帶緩行路難誓令氛稔靜臯蘭

但使封侯龍額貴頗一作詎隨中婦鳳樓寒

同前

王烈

晏客蒲長路路長一作難良足哀白日持角弓射人而取財

千金誰家子紛紛死黃埃見者不敢言言者不敢廻家人

各望歸豈知長不來

同前三首

李白

金罇美酒斗十千玉盤珍羞直萬錢停盃投筋不能食拔

劍四顧心茫然欲度黃河水塞川將登太行雪暗天閑來

垂釣坐溪上忽復乘舟夢日邊行路難行路難多岐路道

一作今安在長風破浪會有時直掛雲帆濟滄海

二

大道如青天我獨不得出羞逐長安社中兒赤鷄白狗賭

梨栗彈劍作歌奏苦聲曳裾王門不稱情淮陰市井笑韓

信漢朝公卿一作侯忌賈生君不見昔時燕家重郭隗擁篲

折節無嫌猜劇辛樂毅感恩分輸肝剖一作剖膽効俊一作英

才昭王白骨縈蔓草誰人更掃黃金臺行路難歸去來

三

有耳莫洗穎川水有口莫食首陽蕨含光混世貴無名何
用孤高比明一作雲月吾觀自古賢達人功成不退皆殞身
子胥既棄吳江上屈平終沉一作投湘水濱陸機英才一作雄才
豈自保李斯稅駕苦不早華亭唳鶴詎可聞上蔡蒼鷹何
足道君不見吳中張翰稱達生秋風忽憶江東行且樂生
前一盃酒何須身後千載名

同前

崔顥

君不見建章宮中金明枝萬萬長條拂地垂二月三月花
如霰九重幽深君不見艷彩朝含四寶宮春風且一作香風吹

入朝雲殿漢家宮女春未闌愛此芳香朝暮看看去看來
心不忘攀折將安鏡臺上雙雙素手剪不成兩兩紅粧笑
相向建章昨夜起春風一花飛落長信宮長信麗人見花
泣憶此玳樹何嗟及我昔初在昭陽時朝攀暮折登玉墀
只言歲歲長相對不寤今朝遥相思

同前

王昌齡

雙絲作鞭繫銀瓶百尺寒泉轆轤上懸絲一絕不可望似
妾傾心在君掌人生意氣好遷捐只重狂花不重賢宴罷
調竽奏離鶴迴嬌轉眄泣君前君不見眼前事豈保須臾
勿無異西山日下兩足稀則有浮雲無所寄但願莫忘前
者言剝骨黃塵亦相媿行路難勸酒莫辭頻美酒千鍾猶

可盡心中片恨何可論一聞漢主思故劍使妾長嗟萬古魂

同前

李頎

漢家名臣楊德祖四代五公享茅土父兄子弟綰銀黃躍馬鳴珂朝建章火浣單衣繡方領茱萸錦帶玉盤囊賓客填街復蒲堂一作坐片言出口生輝光世人逐勢爭奔走瀝膽隳肝唯恐後當時一顧登青雲自謂生死長隨君一朝謝病還鄉里窮巷蒼苔一作茫絕知己秋風落葉閉重門昨日論交竟誰是薄俗嗟之一作嗟難重陳深山麋鹿可為一作下隣魯連所以蹈滄海古往今一作佳今來稱達人

同前

賀蘭進明

君不見門前柳榮耀幾一作暫時蕭索久君不見陌上花狂風吹去落誰家誰家新一作思婦見之歎蓬首不梳心歷亂盛年夫婿長別離歲暮相逢色凋換

此詩元題高適集無之郭茂倩樂府并適集却別載適第二首今既附入而以此篇從樂府為賀蘭作

君不見富家翁舊一作昔時貧賤誰比數一朝金多結豪貴

一作萬事勝人健如虎子孫生一作成長蒲眼前妻解一作能

管絃妾能舞自矜一朝忽一作見如此却笑傍人獨愁苦東

隣少年安所如席門窮巷出無車有才不肯學干謁何用

長年一作年年空讀書

二

長安少年不少錢能騎駿馬鳴金鞭五侯相逢大道邊美人絃歌爭留連黃一作金如斗不敢惜片言如山莫棄捐安知顛顛讀書者暮宿虛一作靈臺私自憐

同前一作連環歌

韋應物

荆山之白玉兮良工雕琢雙環連月蝕中央鏡心穿故人贈妾初相結思在環中尋不絕人情厚薄苦須臾昔似連環今似玦連環可碎不可離如何物在人自移上客勿遽歡聽妾歌路難傍人見環環可憐不知中有長恨端

同前

孟雲卿

君不見高山萬仞連蒼旻天長地久成埃塵君不見長松百尺多勁節狂風暴雨終摧折古今何世無聖賢吾愛伯陽真乃天金堂玉闕疑朝羣仙拍手東海成桑田海中之水慎勿枯烏鸛啄蚌傷明珠行路難艱險莫踟躕

同前

馮著

男兒軼軻徒搔首入市脫衣且沽酒行路難權門慎勿干平人爭路相催殘春秋四氣相一作更迴換人事何須再三歎君不見雀為蛤鷹為鳩東海成田谷為岸負薪客歸去來龜反顧鶴徘徊黃河岸上負薪一無此起塵埃相逢未相識何用強相猜行路難故山應不改茅舍漢中在白酒杯中聊一歌蒼蠅蒼蠅柰爾何

同前

顧集作此詩凡三段皆冠以君不見今英華上載前篇以集本附入

顧况

君不見古人一作來燒水銀變作北邙山上塵藕絲掛在虛

空中

一作桂山在虛空
一作桂身在虛空

欲落不落愁殺人
睢水英雄多血

刃建章宮闕成煨燼
淮王身死桂樹折

一作徐福

去音書絕行路難
行路難生死皆由天
秦皇漢武遭下脫

汝獨何人學神仙
君不見擔雪塞井徒用力
炊砂作飯豈

堪喫一生肝膽向人盡
相識不如不相識
冬青樹上桂凌

霄歲晏花凋樹不凋
凡物各自有根本
種禾終不生豆苗

行路難行路難何處是
平道中心無事當富貴
今日覺君

顏色好君不見少年頭上如雲髮
少壯如雲老如雪
豈知

灌頂有醍醐能使清涼頭不熱
呂梁之水挂飛流
蠶蠶蛟

蚤不敢遊少年恃險若平地
獨倚長劍凌清秋
行路難行

路難昔少年今已老
前朝竹帛事皆空
日暮牛羊古城草

同前

釋寶月

君不見孤鴈關外發
酸嘶度陽越
空城客子心腸斷
幽關

思婦氣欲絕
凝霜夜下拂羅衣
浮雲中斷開
明月夜夜遙

遙徒想思年年望
望情不歇
取我匣中青銅鏡
倩人爲君

除白髮行路難
行路難夜聞西城漢使度
使我流淚憶長安

同前

薛能

何處力堪殫
人心嶮萬端
藏山難測度
暗水自波瀾
對面

如千里回腸似七盤
已經吳坂困欲向鴈門難
南北誠一作

成須泣高深不可干
無因善行止車轍得平安

同前五首

貫休

君不見山高海深人不測
古往今來轉青碧
淺近輕浮莫

與交地卑只解生荆棘誰道黃金如糞土張耳陳餘斷消息行路難行路難君自看

同前二

不會當時

一作初

作天地剛有多般愚與智到頭還用真宰

心何如上下皆清氣大道冥冥不知處那堪頓得羲和轡

義不義兮仁不仁擬學長生更容易負薪

一作心

為爐復為

火緣木求魚應且止君不見燒金煉石古帝王鬼火熒熒

白楊裏

三

君不見道傍廢井生古木本是驕奢貴人屋幾度美人照

影來素綆銀瓶擢纖玉雲飛雨散今如此繡闥雕甍作荒

谷沸渭笙歌君莫誇不應長是西家哭休說遺編行者幾
至竟終須合天理敗他成此亦何功蘇張終作多言鬼行
路難行路難不在羊腸裏

四

九有茫茫共堯日浪死虛生亦非一清淨玄音竟不聞花
眼酒腸暗如漆或偶因片言隻字登第光二親又不能獻
可替否航要津口譚羲軒與周孔履行不及屠沽人行路
難行路難日暮途遠空悲歎

五

君不見道傍樹有寄生枝青青鬱鬱同榮衰無情之物尚
如此為人不及還堪悲父歸墳兮未期朝一作夕已分黃金

爭田宅高堂老母頭似雪心作數枝一作支淚長滴我聞忽

如負芒刺不獨為君空嘆息古人尺布猶可縫潯陽義夫

一作夫令人憶寄言世上為人子孝義團圓莫如此若如此

不道死兮更何俟

蜀道難

梁簡文帝

巫山七百里巴水三迴曲笛聲下復高後鳴一作啼斷還續

同前

劉孝威

玉壘高無極銅梁不可攀雙流亦一作逆巖道九坂澁陽

關鄧侯東馬度一作去王生歛轡還歛轡懼身尤叱馭奉王

猷若恠一作恠千金重誰為萬里侯戲馬吞珠界揚舲擢錦

流沉犀厭恠水掘鏡表靈立隅山一作隅金碧有光輝遷亭

車馬尚

一作正

輕肥彌想王褒擁節反一作去

一作

更憶相如乘傳

歸君平子雲間

一作寂

不嗣江漢英靈信已衰

一作信稀

此一詩英華與藝文類聚同惟郭茂倩樂府折前五

言八句為一篇後七言六句為一篇又無中間六句

而劉次莊樂府止有前八句今注異同為一作

同前

陰鑑

王尊奉漢朝靈關不憚遙高岷長有雪陰棧屢經燒輪摧
九折路騎阻七星橋蜀道難如此功名詎可要

同前

張文琮

梁山鎮地險積石阻雲端深谷下寥廓層巖上鬱盤飛梁
架絕嶺棧道接危巒攬轡獨長息方知斯路難

同前

李白

噫吁嚱危乎高哉蜀道之難難於上青天蠶叢及魚鳥開

國何茫然爾來四萬八千歲不一作與秦塞通人煙西當

太白有鳥道可以橫絕峨眉巔地崩山摧壯士死然後天

梯石棧相鈎連上有六龍迴日之高標一作上有橫河下

有逆折衝波之流川一作下有逆折衝波之回川黃鶴之飛尚不得過

猿猱欲度愁攀緣青泥何盤盤百步九折縈巖巒捫參歷

井仰脅息以手撫心膺一作坐長歎問君西遊何當時一作還

畏途巖巖不可攀但見悲鳥號古木雄飛呼雌逸林間又

聞子規啼月落一作夜月愁空山蜀道之難難於上青天使人

難此凋朱顏連峯去天不盈尺一作連峯入煙幾千尺枯松倒挂倚

絕壁飛湍瀑流爭喧豨峻崖轉石萬壑雷其險也如此嗟

爾遠道之人胡為乎來哉劔閣崢嶸而崔嵬一夫當關萬

夫莫開所守或匪人一作親化為狼與豺朝避猛虎夕避長

蛇磨牙吮血殺人如麻錦城雖云樂不如早還家蜀道之

難難於上青天側身西望長咨一作令人嗟

文苑英華 卷二百終



